

輝縣志

卷十九
卷末

三十一

第卅册

新刊
卷十九
第卅册

蘇州府志卷十九

知縣黔筑周際華石藩纂輯

藝文志五

賦

國朝

蘇門山賦

孫用正

余生長茲土咫尺蘇門竹筍蠟屐早暮相尋蓋不知其
幾十百回矣然亦僅識其面貌耳槐肉眼之皮相使青
山之笑人甲辰之歲時維暮春釣陽返轡息於衛濱漱
泉石濯塵襟以登以眺高唱微吟怱怱然其有會如締
交之伊新聞之兩山對峙曰門蘇門者樵蘇之門也踞

百泉之上故又曰百門其山屈曲纒大如拳草木濯濯
容色黯然胡爲擅中原之令譽歷千載而永傳論者謂
茲山也因泉而得名者也彼太行之西南而東北也岌
嶮萃嶽曲折蜿蜒昂首掉背飛舞騰騫渴飲東海飢刷
幽燕作遼左之門戶爲冀北之闕闡爾乃餘支剩派顧
盼盤桓如羣鳥之翔而下集峯迴勢轉虎踞龍盤上接
方山之秀氣下洩靈異於百泉砂隙石竇脈脈涓涓噴
吐潄沸細碎清漣其始也貫纍纍於珠樹繼乃散冰顆
爲玉烟水面則亭臺交錯波底則荇藻相牽魚蝦游泳
鷗鷺飛還四時變態氣象萬千是故登斯山也覽斯泉
也覺耳目之頓異有樂而忘返者矣然其所以爲異者

猶在水而不在山也至於瑤宮錯落貝闕莊嚴局擊鏃
閤低瞰幽軒晨鐘暮鼓佛號喧闐人爭謂勝地供人爲
點綴而不知皆山之所謂贅癩者也若夫春華秋月永
日涼天呼朋載酒聯袂摩肩奚囊詩韻屐齒爭先或則
攀烟巒之蠹蠹或則藉芳草之阡阡或則嘯歌喉於崖
畔或則逞雄辯於詞壇或則抒高懷而望遠或則抽幽
思以凭欄庶幾哉蘭亭勝事雅集羣賢紀快遊於此日
續遺響於當年而山靈猶若苦爲晉接者惟是石上尋
異人之跡洞中訪出世之仙辨蚪蚪於古篆問九轉於
還丹長春子示我以秘籙而處元處端飲我以瓊筵眼
底塵世頓隔仙凡雲中雞犬非復人間山之所以表異

者或在此乎乃睇而視之靜而聽之猶若未愜其意
且俯首而無言噫嘻吾知之矣山不在高各有所托元
氣渾淪不雕不琢全我本來守我樸拙既不欲與飛來
諸峯共其玲瓏又不欲與吳山虎邱爭其闢蒸儼然守
道君子也深自退藏而惟恐不密者也以故高士擇地
晉有孫登浮雲富貴塵土簪纓相視莫逆托跡山中百
世而下登其臺者猶將聆一絃之清韻聞長嘯之鸞聲
後誰嗣響厥惟康節不扇不爐棲身土穴頓悟先天振
古豪傑遂使蘇門一片石爲天根月窟之樞紐而嵩華
泰岱舉不足與較其靈絕因之周程夫子姚許諸公或
師或友負笈擔簦建太極之書院闢大道之齋叢自宋

范明人文代起希聖希賢淵源濟美屬在後起者孰不
溯活水之源頭向高山而欽仰止然則斯山也直可謂
尼邱分體鄒魯鍾靈斯文借以不墜學術賴以振興豈
猶夫一邱一壑徒以供騷人墨客之遊賞而無闕重輕
者哉乃賦其事而繫以歌歌曰山之趾白石齒齒泉且
旨兮山之阿高人之窩永不磨兮山之巔以嘯而傳高
不可攀兮山之中賢哲挺生多士景從兮蘇門兮百門
兮

詩

周

柏舟

共姜

汎彼柏舟在彼中河髡彼兩髦實爲我儀之死矢靡他
母也天只不諒人只

汎彼柏舟在彼河側髡彼兩髦實爲我特之死矢靡慝
母也天只不諒人只

思歸引

衛女

昔衛侯有女趙王聞其賢聘之未至而王薨太子欲留
之女不聽拘於深宮欲歸不得援琴而歌曰

涓涓泉水流於淇兮有懷於衛靡日不思執節不移兮
行不隳轍軻何辜兮離厥菑嗟乎何辜兮離厥菑

涓涓泉水流於淇兮有懷於衛靡日不思執節不移兮
行不詭隨坎坷何辜兮離厥災

魏

酒會詩

嵇康

樂哉苑中遊周覽無窮已百卉吐芳華崇基邈高峙林
木紛交錯元池戲魴鯉輕九斿翮禽織綸出鱸鮓坐中
發美讚異氣同音軌臨川獻清醕微歌發皓齒素琴揮
雅操清聲隨風起斯會豈不樂恨無東野子酒中念幽
人守故彌終始但當體七絃寄心在知己

唐

七賢堂

朱灣

嘗慕晉高士放心耽冥湛然對玉壺土木爲我形下
馬覓陳迹披榛詣荒庭相看兩不言猶爲醉未醒長嘯

或可擬幽琴難再聽同心不共世空見蘇門青

嘯臺

賈島

如聞長嘯春風裏荆棘叢邊訪舊蹤地接蘇門山近遠
荒臺突兀祇高峰

宋

蘇門夜雨

周敦頤

秋風拂盡熱半夜雨淋漓遠屋是芭蕉一枕高響園恰
似釣魚船棚底睡覺時

安樂窩

邵雍

安樂窩中一部書號云皇極意何如春秋禮樂能遺則
父子君臣可廢乎浩浩義軒開闢後巍巍堯舜協和初

炎炎湯武干戈外，恂恂桓文弓劍餘。日月星辰高照耀，
皇王帝霸大鋪舒。幾千百主出規制，數萬億年成楮楮。
治久便憂強跋扈，患深仍念惡驅除。才堪名世有時有，
智可濟時無世無。既往盡歸閑指點，未來須俟別支吾。
不知造化誰爲主，生出許多奇丈夫。

安樂窩中詩一編，自歌自咏自怡然。陶鎔水石閑勲業，
銓擇風花靜事權。意去乍乘千里馬，興來初上九重天。
歡時更改兩三字，醉後吟哦五七篇。直恐心通雲外月，
又疑身是洞中仙。銀河洶湧翻晴浪，玉樹查牙生紫烟。
萬物有情皆可狀，百骸無病不能蠲。命題濫被神相助，
得句謬爲人所傳。肯讓貴家常奏樂，寧慙富室賸收錢。

若條此過知何限因甚臺官獨未言

安樂窩中一炷香凌晨焚意豈尋常禍如許免人須論
富若待求天可量且異緇黃微廟貌又殊兒女裊衣裳
中孚起信寧煩禱无妄生災未易禳虛室清冷都是白
靈臺瑩靜別生光觀風禦寇心方醉對景顏淵坐正忘
赤水有珠涵造化泥丸無物隔青蒼生爲男子仍身健
時遇昌辰更歲穰日用照臨功自大君臣庇廕效何長
非徒聞道至於此金玉誰家不滿堂

安樂窩中酒一罇非唯養氣又頤真頻頻到口微成醉
拍拍滿懷都是春何異君臣初際會又同天地乍網罟
醺酣情味難名狀醞釀功夫莫指陳樹有淺深存變理

飲無多少寄經綸卷舒萬世與亡手出入千重雲水
雨後靜觀山意思風前閑看月精神這般事業權衡
振古英雄恐未聞

安樂窩八詠

邵雍

安樂窩中快活人閑來四物幸相親一編詩逸收花月
一部書嚴驚鬼神一炷香清冲宇泰一罇酒美湛天真
太平自慶何多也惟願君王壽萬春

安樂窩中事事無惟存一部伏羲書倦時就枕不必睡
忻後攜筇任所趨准備點茶收露水隄防台藥種魚蘇
苟非先聖開蒙吝幾作人間淺丈夫

安樂窩中弄舊編舊編將絕又重聯燈前燭下三千日

水畔花間二十年有主山河難占籍無爭風月任收權
閒吟閒咏人休問此箇功夫世不傳

安樂窩中春夢回畧無塵事可裝懷輕風一霎座中過
清樂數聲天外來日影轉時從杖履花陰交處傍樽罍
人間未若吾鄉好又况吾鄉多俊才

安樂窩中春夢時閉門慵坐客來稀瀟瀟微雨竹間霽
嚶嚶翠禽花上飛好景盡將詩紀錄歡情須用酒維持
自餘身外無窮事皆可掉頭稱不知

安樂窩中甚不貧中間有榻可容身傷風一變至於道
和氣四時長若春日月作明明主日人言成信信用人
唯人與日不相違過此何嘗更語真

安樂窩中雖不拘不拘終不失吾儒輕醇酒用小盞飲
豪壯詩將大字書花木暄妍春雨後山川澄淨九秋餘
閒中意思長多少無忝人間一丈夫

安樂窩前小江曲新蒲細柳年年綠眼前隨分好光陰
誰道人生多不足

安樂窩

邵雍

堯夫何所有一色得天和夏住長生洞冬居安樂窩鶯
花供放適風月助吟嘯料人間樂無如我最多

春郊十詠

有序

邵雍

予家有園數十畝皆桃李梨杏之類在衛之西郊自始
營十餘載矣未嘗無觀花之開屬以男子之常事也去

年冬會病歸自京師至今年春始遇花之繁茂復悼身
之窮處故有春郊詩一什雖不合於雅焉抑亦導於情
耳慶歷丁亥歲

春郊閑居

居處雖近郭不欲登城市盡日客不來至夜門猶閉院
靜春正濃總閑晝復寐誰知藜藿中自有詩書味

春郊閑步

病起復驚春攜筇看野新水邊逢釣者隴上見耕人訪
彼形容苦酌予家業貧自慙康濟力未得遂生民

春郊芳草

春風必有刀離腸被君斷春風既無刀芳草何人剪

園不復接草剪益還生誰人有芳酒爲我高歌傾
春郊花開

桃李正芬敷花繁覆敝廬亂香尋密牖碎影下前除靜
遠晝眠後輕攀春醉餘縱然觀盡日誰敢罪狂疎

春郊寒食

郭外花亦繁不謂繁花失幸非在郭中不見繁華物不
寒不暖天半陰半晴日花外鞦韆鳴月隔鞦韆出

春郊晚望

風暖囀鳴禽天低薄薄陰烟容凝壠曲雨意弄河心柳
隔高城遠花藏舊縣深獨憐身臥病猶許後春尋

春郊雨中

九野散漫漫，昏鳥道間坐中迷。
遠樹門外失，前山襍
襖耕夫喜，幘幘居者閒。
騷人正凝黯，天際意初還。

春郊雨後

雨歇蕩餘春，天光露太真。
茵鋪芳草軟，錦濯爛花新。
風觸鶯簧健，烟舒柳帶勻。
如何當此景，閒臥度昌辰。

春郊舊酒

花開風雨後，忍病欲消磨。
未是疎狂極，其如困頓何。
梁間新燕亂，天外去鴻多。
總是灰心事，冥焉晝午過。

春郊花落

春暮多風雨，離披滿後園。
晴餘殘片擁，晴外亂紅翻。
香涇難留裏，嬌心絕弄繁。
成蹊是桃李，狼藉尙無言。

自遣

邵雍

讀書忘歲月人競笑蹉跎
但得甘旨足寧辭辛苦多
龍泉去鉞刃蝸角亦風波
知我爲親老不知將謂何

寄人

邵雍

淇水清且泚泉源發吾地
流到君家時盡是思君意

安樂窩

程顥

打乖非是要安身道大方
能混世塵陋巷一生顏氏樂
清風千古伯夷貧客求墨妙
多攜卷天爲詩家剽借春
儘把笑談親俗子德容猶足畏鄉人

嘯臺

蘇軾

高士隱蘇嶺平臺留至今
峰巒相掩映松柏共陰森
自

是甘潛迹誰言竟陸沉喜觀三絕易時鼓一絃琴作炭
人能識投河怒不侵當年居士窟素志樂山林阮籍聞
長嘯嵇康愧夙心谷巖悉響應鸞鳳比聲音信是江沱
咏誠非澤畔吟我來重遊覽清氣逼塵襟

太行山

范成大

西北浮雲捲暮秋太行東麓照封邱橫峯側嶺知多少
行到燕山翠未休

金

蘇門山

元好問

太行元氣老不死上與左界分山河有如巨鰲昂陸西
入海突兀已過餘坡陀我從汾晉來山之面目腹背背

經過濟源盤谷非不佳烟景獨覺蘇門多湧金高下白
泉水海眼萬古留山阿虜沸灤水源瀟瀟首溪波雲雷
涵鬼物窟宅深蛟鼉水妃簸弄明月璣地藏發泄天不
訶平湖油油碧於酒雲錦十里翻風荷我來適與風雨
會世界三日漫堯羅山行不得山北望空長哦今朝一
掃衆峯出千鬢萬髻高峩峩空青斷石壁微茫散烟螺
山陽十月未搖落翠蕤雲旂相盪摩雲烟故爲出濃淡
魚鳥似欲留婆娑石間仙人跡石爛跡不磨仙人去不
返六龍忽蹉跎江山如此不一醉拊掌笑殺孫公和長
安城內烏尾詭并州少年夜枕戈舉杯爲問謝安石蒼
生今亦如卿何元子樂矣君其歌

石門廟

元好問

三仙祠下往來頻
憔悴征衫滿路塵
簫鼓未休寒食酒
樵蘇時見舊都人
吹殘芳樹紅仍在
展放平田綠已勻
西北并州隔千里
幾時還我故鄉村

兩崖懸絕倚山垠
草徑低迷劣可分
潭影乍從明處見
竹香偏向靜中聞
石林萬古不知著
茅屋四鄰惟有雲
曳杖行歌羨樵叟
此生何計得隨君

元

梅溪

耶律楚材

冷落梅溪二十年
今日天教屬玉泉
月榭琴堂半頽毀
冰姿問道尚依然

玉泉蓮芰逼人清敢與梅溪也抗衡今日湛然都入手
二橋風月老餘生

竹邊斜出兩三枝月底風前總恁宜小苑清香無處着
多應勾引玉泉詩

積年戍甲蕩蘇門辜負梅溪月一痕遠寄新詞訪陳迹
憑君招喚玉香魂

溪畔亭臺半劫灰冰香可惜爲誰開而今已有人爲主
折取踈枝寄我來

湛然垂老不愁貧得與梅溪作主人問訊冰華無恙否
香魂應也長精神

寄詩梅甫問平安彼此天涯耐歲寒筆力盡衰詩思退

算來猶自勝居官

溪邊酌酒歡無盡花底橫琴興亦奇
獨樂清歡人不識箇中惟有湛然知

素餐十稔我胡然潦到而今欲避賢
寄語梅溪且寧耐求歸更待兩三年

蘇門山

許衡

大山如蹲龍小山如踞虎煙嵐鬱蒼翠
遠近互吞吐我來蘇門居遨遊成樂土
策杖望朝雲捲簾看暮雨佳意豁塵腥
勝槩入談塵使我鬱陶消使我勞瘵愈
生平鄙吝心一洗出千古回首聲利人
何殊坐圜圜遠役非素懷况有跋涉苦
吟鞭裊東風遲遲如去魯芳菲二三月

追遊盛梅塢歸來原無違一觴期對舉

紫薇觀

許衡

山水年來滿意看只無幽竹伴幽閒從君願乞龍孫去
栽向西城空隙間

寒缸挑盡火重生竹有清聲月有明一夜客窻眠不穩
却聽山犬吠柴荆

都笑謀生我最迂我想猶恐不能愚紛紛走入荆榛裏
誰肯輕身與並驅

腹餒衣單坐未溫可堪開口話義文西風更動蕭蕭竹
清徹先生十一分

贈寶先生

許衡

西山山下覓幽村水竹鄰居擬卜君豈意天書平白屋
便收行李入青雲功名准自英賢立得失防因去就分
萬里風沙渺南北請歸消息幾時聞

謝人惠田

許衡

晚年幽興入幽居擬卽君侯置一區令德久思親慷慨
佳田今許乞膏腴太行西對千峰玉洪水東窺萬斛珠
幸着此身於此老願從樂正五人俱

湧金亭

王暉

曉雲扶山山氣昏坐來萬壑橫朝暎丹崖翠壁畫莫出
但覺詩景供愁新地靈祠古秘幽怪天授神柄專其尊
年年簫鼓祠下路東風十里楊花春我來愛此山水窟

天氣着物清而溫，湧金亭上一盤礴。主人留醉幾金樽，
水邊滉漾多麗人。往來但見珠翠裙，不知仙家足奇貨。
明珠脫串一一浮，出摩尼真波間可玩不可掇。雲錦翻
動玻璃盆，書生濶身那羨此。席上正有吾家珍，舉杯酌
酒但默禱。山靈垂意哀，王孫願分秀色貯。詩腹一洗萬
斛胸，中塵仙官有請固不拒。山鬼竊笑君無囚，不然結
茅傍修竹，雲烟占斷西湖曲。月明舒嘯北山巔，喚起公
和跨黃鵠。

竹林

王惲

不到山陽二十年，黃墟空鎖竹林烟。胡盧笑殺嵇劉輩，
又向西山着祖鞭。

竹林高臥世稱賢
隱放看來未中權
千古歸潛書法在
一回來讀一條然

七賢堂

王 惲

作者當年亦七人
粗聞名姓孰能親
山陽首作彈冠舉
却恐筠林是要津

百門泉

劉 賡

一法寒碧湛清空
噴玉跳珠不少停
落日湧金亭下看
百泉亭似萬泉亭

客來詎敢濯塵纓
蘋藻區區效寸誠
願乞一杯亭下水
散爲霖雨濟蒼生

梅溪

劉 賡

太行山色撲庭除，
踈影橫斜水竹居。
嵩嶽愛梅林處士，
蘇門風景勝西湖。

明

太行山

于謙

信馬行行過太行，
一川野色共蒼茫。
雲蒸雨氣千峯暗，
樹帶溪聲五月涼。
世事無端成蝶夢，
長途隨處轉羊腸。
解鞍盤礴巖壑裏，
却上高樓問故鄉。

衛河詠古

蘇軾

衛河冰泮綠波勻，
南野春回翠麥新。
淇水舊曾歌睿聖，
柏舟猶自咏夫人。
太師遺表當官路，
西伯荒臺在水濱。
靡靡遺音今已矣，
東風依舊鳥聲頻。

杜太尉墓

曹安

東出共城門古墓何纍纍就中如夏屋下馬讀銘碑始
知太尉名富擅政和時詎知邑境中倉皇來赤眉勇敢
牽子弟肆殺力弗支編氓賴保全迄今令名垂滌滌百
泉流日夕聲猶悲

三仙洞睡起

無名氏

茵枕松牀午夢覺莞然一笑秋陰薄自慙濟世無他才
只合歸山伴野鶴

山下且同雙鶴棲洞中長與白雲期北牕睡覺渾無事
碧樹沉沉鶯亂啼

白雲寺

王勳

山上流泉瀉玉琴冷冷過耳滌塵心
便驚嚙取一瓶去
化作乾坤三日霖

元極寺

王勣

鶴棲匠氏難尋木僧住樵夫不到山
更愛珍珠泉裏水
等閒那肯落人間

石門廟

劉玉

重岡登木杪幽廟俯巖臺
寒氣含風遠嶂隱霧深屢
遊千里月偶會百年心
奇勳山巖道商岩已傳霖
蘭相如墓

劉玉

六國紛紛徵秦管連衰氣未全伸
咸陽壁返池池鉅
氣壓秦王有幾人

金鑪歸東事已奇
區區康爾欲相持
我來祠下停車拜
爲憶當年引遊時

麥畦花草俯餘芬
千古何人耐一尊
惆悵驪山珠玉盡
平羅今有勸公墳

安樂窩

劉玉

傳得羲皇未畫圖
清風千古此山隅
帝王却喜漁樵對
還許共城舊令無

百泉書院

劉玉

百泉千古有餘芳
濟濟衣冠集講堂
邵子另傳周曲禮
姚公堪繼漢文章
嘯臺境淨爲魚樂
別圃春融草木香
爲語諸生須領悟
濯纓吾欲詠滄浪

共城雜詠

劉玉

東山日上草如烟，幾處牛羊趁草眠。如此牛羊如此地，不知誰比距心賢。

斫月挑雲下碧空，晚來薪玉滿城中。停車試問腰斤客，恐有奇才臥遠峯。

自笑無能樂有餘，近來俸俸爲徵輸。午牕稚子誇能事，臨得顏公乞米書。

燕語鶯啼春未闌，金樽爭倚玉欄杆。使君獨向東郊賞，千朵能行黑牡丹。

風翻庭樹聲初歇，雲擁遙山勢欲飛。好雨一犁看不厭，野人門外穀苗肥。

薄暮雲陰合，侵晨雨勢連。天心消旱沴，地力釀豐年。庭
漲珠盤走，簷鳴玉珮懸。使君忘考績，一笑吏民前。

朝雨不成潭，暮雲空復陰。望穿農父眼，愁破使君心。粟
貴如炊玉，泉枯似刮金。傅霖何日夢，聊復禱桑林。

公事晚禡停，公庭夜未扃。薄田憂積賦，破屋計窮丁。高
樹風疑雨，遙山火見星。何人猶版築，幽夢入丹青。

沿城一望一沉吟，愁折春陵漫叟心。茅屋破來風更捲，
麥畦荒盡雨如金。桑林夙昔疑湯旱，莘野於今愧傅霖。
雲漢欲歌天漠漠，餘民如此恐難禁。

石徑盤盤轉碧陀，遙嵐滴滴染晴波。雲開烏背清風遠，
雨過林端爽氣多。谷戰有人憐武穆，巖棲無路訪公和。

臨高不盡長安望肯聽南山印角歌

百泉

王韋

蘇門靈源幾經載旭日毫光射冰海曙星錯落爛不收
或滅或明無定彩瞥然跳出蒼雨過波面浮漚向空墮
山中網得羽衣人噉雪含葩散成唾唾壺擊翻如意柄
泠泠玉斗鴻門破居人夜夜俯首看寶鏡照面毛骨寒
鏡中珠璣首飾碎一一刺目晶芒酸藕絲苕蔓無能貫
須臾萬斛隨奔湍崑崙善泐無所得遊魴躍鯉空波瀾
昔聞南客向予說指天畫地嘆奇絕云是蘇門長嘯餘
震撼擊撞不可居帝遣任公掣牛耳搗來負以雙鰲魚
有時鼓鬣仰噴沫裂石穿沙鳴活活吸雲斂霧歸土橐

木難火齊紛如濺我聞此言生恐懼乍到山中不敢住
羽衣挾我坐嘯臺悵望依稀太行樹正月不雨至五月
塵歎道暘思甘澍偶然一掬歸山瓢却問醒醐得來處
手指湧金亭上去滿壁烟蘿鏤秀句人云驪龍水底眠
蜥蜴吐霧皆浪傳因思南客雙鰲語使我岸幘心茫然
曾聞水有魃人室鮫人織綃夜夜泣千載汎瀾眼未枯
至今海上青綃濕此中別有深窟宅縱使陽侯不能入
陽侯陽侯安在哉人間幻妄那能裁共君濯足躡雙屐
澗然長嘯還登臺君不見覃懷潘倅真落魄曾將濟瀆
劑之澗珍珠寶蒸歸龍宮烹取神魚送杯酌

百泉漫成

王韋

開遍紅榴滿院花宮牆處處綠陰遮中宵客夢通元圃
遶樹鶯啼隔彩霞壁水淵源深不滓藝堂冠珮寂無譁
聖朝文治敷求急縱有田園莫種瓜

旦旦開帷一涉園百門清夏鎖周垣槿花未暮常先隕
楊葉無風亦自喧不向南山通捷徑正從西洛滙真源
殷勤寄語藏修子永夜宵衣莫負言

遊蘇門

呂 枏

亂石堆中安樂窩高風千古重山河我來欲起羲皇睡
細問當年首尾歌

幾雙躍鯉出春磯猶帶青芹翠荇肥隨柳傍花偏戀雨
更堪回首見鸞飛

書樓誰構倚巖岑
石瞰泉源日噴金
奇語諸生應自得
窩中夫子是何心

肩輿扶上嘯高臺
萬里風烟撥不開
試問孫君緣底事
野花啼鳥不啣杯

石門山

李夢陽

明星欲落閉縣城
千峯萬峯初雪晴
源泉亂石涓涓溢
削壁孤雲曩曩生
佔客深穿猛虎窟
樵夫習傍翠巖行
仙門屹立三潭水
玉髓空懸一線情

礪道晴雲雪草春
石門丹壁鬪嶙峋
聞雷不羨蛟龍起
避地翻將虎豹隣
少室山人虛索價
壺關三老實藏珍
烟花白日經行處
鴻雁冥冥嘆此身

中湖寺

李夢陽

龍象何年地，千巖一澗迴。
天清入石鏡，竹杪出香臺。
樹繞啼猿入，人從鳥道來。
坐餐霞氣曉，只擬是天台。

陟險叩巖扉，一鐘鳴翠微。
丹崖森竹樹，雪壁映花飛。
屋隙鳴泉瀉，山昏麋鹿歸。
松風高壑起，雲臥欲霑衣。

北湖寺

李夢陽

亂山上雲氣，孤客發西岑。
徒瞻北湖寺，其如東路心。
嶺猿愁暝雨，巖鳥下空陰。
回首太行麓，蕭蕭松椽林。

南湖寺

李夢陽

中湖果奇絕，迂嶺復南湖。
石磴迴相倚，巖泉有乍無。
開窻眾壑積，當殿一峯孤。
更覽千林竹，因懷長嘯徒。

湖僧騎牝馬相送石門山
羊飲仄亂石路日暝漁樵逢蒼
茫翠微裏風落青山鐘羨爾巖居者終期塵外蹤

蘇門山

蔡經

芳草深連小徑迴危亭清傍碧塘隈
窻虛轉覺青山近機息何妨白鳥來
野樹棲雲林影動石門懸日暮烟開
登高我亦長舒嘯萬壑松風處士臺

山下寒泉注石湖垂楊團抱野亭孤
卽今河洛千年在已覺炎蒸六月無
錦鯉衝萍移小艇蒼波蕩日浴飛鳧
短橋流水悠悠去坐愛風來似舞雩

蘇門篇

王應鵬

蘇門山等卷石東連玉柱峯西接太行麓
太行之山蜿

蛟磅礴良天地是爲晉之藩翰衛之屏蔽烟雲出沒變態生寶藏晶光散靈異龍宮虛穴應不閉往往風雷聞鬪戲草木之生何足計蘇門雖小本其裔蟠嶠似重尊宗義太視之下惟爾幽遂以幽勝名於世君不見宣尼道大如登天當時學者爭相先後來所就各一偏至今文學語游夏宗師鉅匠曾醜顏何況德行如淵騫升高自下古有言人攀太行不可及太行却自蘇門入我來蘇門已浹旬仰高晨夕恒汲汲恨不長風生羽翰瞬息可上青峯巔感茲爲訪蘇門賢堯夫之學之才傳外王內聖誰其全許子姚寶時丁艱講明正道扶危顛諸賢已矣不可作往事遺跡竟荒落里俗循循格古風不知

士者誰承學我持文印來茲巡表章崇信人始欽百川
滾滾正東下才潭不副諸生心六經羣籍曾討尋支離
歲月終浮沉迄今已辨楊朱泣衰運未必能身任凍雲
朔雪子廟深古松蒼檜長陰陰握衣端拜一薄醴省惕
背負芒刺森尼山若以太行喻諸賢便是蘇門岑

嘯臺

唐順之

晉時肥遯士長嘯此山陰自遠龍蛇跡能爲鸞鳳音清
靜同河上沉冥異竹林坐超惟默理妙契守雌心逸駕
應難返荒臺尙可臨俯看恒衛水遙見太行岑砌冷疎
花發扉扃落葉深寧知千載後更有阮生尋

洗心亭借諸生待月

陳慶

洗心亭上月華遲
童冠廣歌共待之
遠樹忽看生瑞霧
連城隨已映瑤池
浮雲任取千層過
大曜何妨五夜垂
爲語諸生觀化理
由來真體自無虧

冬日同姬克所勘地修武宿山陽寺作 李 愨

梵宮處處鎖寒烟
四野同雲釀雪天
老衲鳴鐘清座席
使君攬轡駐征驂
敢言撫字心存赤
祇爲催科鬢欲斑
曉起喜聞田叟報
夜來瓊玉遍山川

安樂窩

無名氏

宋室當年正孔艱
先生何事臥雲巒
頽波運向東流逝
仰止人猶北斗看
泌水爭傳高芟製
螭墀豈盡負儒冠
曾言皇極堪經世
誰許東山老謝安

安樂窟

走且

萬疊青山百道泉一簑烟雨老先天如何尙有英雄氣
暗註皇王帝霸篇

穠翠亭

趙貞吉

晴憐過鳥如飛玉晚上浮亭似汎槎遙憶伊人蒼靄際
水光明處是蒹葭

共姜祠

甘茹

晚眺柏舟臺炎氛鬱不開綱常一擔重生死兩鬢哀淇
竹凌霜勁泉珠噴地來土人嚴伏臘爲激衛風頽

避暑百泉酬王令兼呈翁中丞

甘茹

帝許專三徑天如借百泉紅塵隨市遠綠樹與雲聯疊

嶺屏周折洪河帶繞旋中原
疏眼孔巨浸吐清漣鑿飲
同堯日尋源溯禹年龍宮
沉璧車鮫室迸珠圓派列
金齊泐潭空鏡倒懸鷓鴣
嬉對語藻荇亂相牽習戰
移昆渚逃禪覓輞川灤梁
魚極樂銀漢鶴難填積浪
彌漚艦奔流逼野田芝樓
堪避暑瓦枕足游仙客有
臨淵興誰開問字筵承家
元鳳翥出宰舊冕翻東道
煩文舉西堂憶惠連村舂
雞犬外鄰笛竹梧邊壺榼
邀歡近烟霞選勝偏益傾
槐影轉屐踏蘚痕穿廟貌
丹楹合經師絳帳全懷賢
疑卓爾弔古更悽然臺跡
留孤嘯琴心托一絃步兵
狂不改叔夜懶仍便代阻
黃虞驚人忘魏晉詮窩中
窺厯數九裏弄坤乾移席
虛亭畔看碑勝國前雨聲

欺夜急山色競秋鮮
鐘定曾粉鼓燈搖電
雜鞭八牕風
闔闔四面海潺湲
戶敲雙蟹度林深
獨鶴眠催詩豪士
令投轄主人權
暗辨振振鷲低聞
嚶嚶蟬歌輕裁白苧
社冷續青蓮久抱
繁桴癡欣逢解珮
緣賜湖從賀鑑犯
斗訪君平去國身
廓繫非才眾所憐
朝辭滄水使暮醉
孝廉船劍以風湖
別駒因伯樂傳塵
埋霜作刃泥沒鐵
連錢刃鈍終藏閉
元黃忍棄捐卜居
司洞府飛檄領蘭
荃豹隱非吾土
鷄棲暫備員思吳
鱸入膾舍魯雁驚
絳邈矣希貞白
歸與擬太元石田
躬秉耒茅屋客添
椽抱寶行蒼鳩扶
筇坐碧巖鷓冠縫
薜荔虎鼎煉丹鉛
酒傍新豐貰茶憑
活火煎喚回焦鹿
夢抄盡蒙蛇篇北
闕書

休上南華註自錢臺垣光萬里知已在凌烟

嘯臺

舒化

棲元石室學無生不向人間混姓名阮籍猶能聞一
自慙今已寂無聲

百門泉

吳國倫

渾渾靈源闢功非禹鑿艱乾坤一勺水今古百門山入
谷驚風雨凌虛儼珮環脚雲風細細漱石瀉潺潺玉濺
鮫人淚星濛織女鬟亂絃吹翠壁空影射元關纓笑滄
浪濯珠爭合浦還吟龍湍未穩躍鮒藻俱閒劔草雙虹
外琴橫萬籟間臨流蘇病骨撫景滌愁顏河漢津難問
濠梁跡可攀冷然幽意足長嘯俯人寰

蘇門卽事

吳國倫

太行出雲雲盡黑一雨須臾山更色偶自兩河遡衛源
舉帷已入周鄘國鄘國如丸彈九州雲林窟窈山蹊仄
村疇迴薄小江南井邑蕭疎自河北共伯逍遙失歲年
孫登坐嘯凌蒼烟仙人不作名山主終古蘇門絕百泉
百泉澗底珠花旋燭地涵空一鏡懸有客臨流不敢照
昔遊綠鬢今華顛

蘇門山

胡汝嘉

孫登山澤麗晦迹但長嘯喜怒不入心往往能近道嗣
素志曰限於世本寡好一朝聞高風駕言遠相違至對
更無言無乃吳操回聆鼓吹音翻然發山嶠誠思向

意竭未暇窮旨奧獨以無臧否足用稱同調

嘯臺

龍德孚

草衣被髮舊雲林徙倚高臺生遠心冷眼三年潭水清
放懷一嘯有遺音臥觀未盡先天易調入無絃太古琴
最是鳳鸞子似上蘇門山水自高深

春口遊百泉

袁宏道

五里芳菲路依山雪一湖皺珠鳴石磔鸞尾走菴蒲乳
水泉潔淨深潭照影無餘生行所願泛泛此中鳧

日光來映射潭底幻雪霞凡石皆成怪陸言盡繖花小
楠遍竹院流水響山家一樹棠梨雪深深沒釣沙

初至蘇門定居

郭湄

買宅門下設此林泉幽仲春嵐日和花木散村疇菜
門澆泔水車馬飲林鄰東園種蔬菜南畝課耕牛少憩
臨水亭飲上看山樓出羈聊舒望意行前溪洲明月忽
復上清影隨溪流高堂秉明燭兀坐意悠悠生逢軒冕
貴而適溫飽謀素心有微倘恒苦不自由僕僕祇相苦
營營何所求六國佩相印兄嫂行趨摠空憐范杓寒龜
持魏齊頭茲事豈足道但爲識者羞兩疏誠曠達五柳
孰與儔素位有餘適將隨元化游

清暉閣書懷

郭滄

我從操觚滯京洛十年不到清暉閣水面蒼烟空復生
山中白雲絕聞却無日不歌歸去來有時還上

蘇子徒懷大官米陶公肯負菊花杯水殿山樓長不改
竹林菊屋今猶在可憐桃李向人花不似斑斕當日綠
餘生雖在心已灰閣前花柳爲誰開自恨歸來歸不早
翻令一上一堪哀於今雙鬢紛紛白只合終身爲釣客
天際雲霞知我心世上功名真浪迹蘇門山水天下奇
蕩漾波光白陸離蒼晶面面當牕出翠篠森森俯檻垂
當牕倚檻坐來久水碧山青爲誰有孫登去後經幾時
阮籍別來再見否頓令千載爲須臾水意山靈應不孤
天台未改秦時俗素岱猶鍾魯國儒不似此泉清且潔
應爲世人洗塵耳燕作南川數頃田釣出中流竟尺蠲
有田可耕蠶可烹山中計樂不計名問君此日登臨意

何似他時眺望情

春日遊莊

郭滄

千巖巖巖野一編寫春圖
橋迴芳林藥人閒
高客俱息
幾台物物爲樂
莫愁
華髮已堪情
青山豈負吾

石碛嶺

郭滄

一徑盤山仄千巖對嶺空
川原分曠野村樹散寒叢
自
嘗從漁入誰云與世通
棲遲有衡宇指點一峯東

石門山

郭滄

危石瀟瀟吼相看樂酒杯
羣峯高不見忽於雲間開

孟莊道中

郭滄

出門盡野行心在秣秋林
方帶果潦水亦興波

黍溷烟遠峰巒映日多一聲牧人笛爲爾起長歌

梅溪

紀雲鶴

月榭題冰句孤清肖楚材寒香泉上哨踈影月中來玉
蕊雲二素霜毫繡九迴端爲調鼎用未肯傍籬栽

百泉

秦衛周

半生何處是便宜直坐蘇門綠水湄欲識風光難到處
遊人歸盡獨看時

貴不離家遠作官飢寒舍此別求田湧金亭子荒城北
作畫題詩永百年

山舍秋容有好思雪中雨後亦佳期須知閒客閒中勝
不是閒人亦不知

百泉壽家大人次郭九子韻

張克儉

子道未能盡家貧四十年方謀一日養宜在萬民先娛
志須良友頤神藉泌泉得君詩句好山水識微虔

輝城夜守

張克儉

山城纒斗大颺怒直流氛定氣籌全局齊心誓衆軍蹶
張匪大勇沉毅乃雄文孰謂書生弱桓桓答聖君

戡亂憑神識提兵本至仁假饒爲虐吏誰肯作良民撫
字情瀟切貌絲氣益申紛紛星月下壁壘一番新

丈夫心許國精白可盟天物以誠能動城惟靜乃堅火
飛天宇寂月黑性光圓無畏妖氛熾藏兵在井田

肅肅星辰湛城頭靜不譁枕戈期破敵聚米匪量砂旄

落沉兵氣霜飛冷劍花滴殘寒夜漏抖擻未還衙

嘯臺

張克儉

雲漢日雲淨乃鮮風聲雷聲寂乃傳光音生者滅之始
光音生者滅之先世人知生不知滅光音影裏空纏綿
高臺漠漠老天地孫公飛舉凌雲烟當其一嘯嘯已絕
疑鳳疑鸞徒浪說當其未嘯嘯已全只在林邊與水邊
惜哉步兵見地未及此尙爾低徊躑躅於巖前

安樂窩

張克儉

仄徑躡幽巖空山構危閣閒草抽異香嵐翠入羅幕登
閣眺太行蒼莽氣磅礴八極瀕無窮俯視小嵩翟萬木
浮翠光綠雲護城郭陂水山下清泉響靜中落響窟宜

幽人先生此安樂經綸天地身藏之
書邱壑此處是先
天大易亦糟粕萬古貯方寸眉眼自闐
闐不是巢許流
草庵甘寂寞

壬午百泉分房

有序

衛之瑄

壬午河南鄉試以汴受寇圍弗克舉既而汴且陷沒直
指蘇公請設棘共城獲竣盛事時余以鄴令分校一經
作詩紀之

中土烽烟匝地生高秋殺氣暗文明不因白筆疏金闕
那有朱衣司玉衡重奪龜籠豹虎穴引蹇鵬鴉鳳凰城
愴然爲對青雲客幾罷殘科爭得成

鄭重文場下地勤蘇門却是待蘇君山如雁塔堪題字

水是曲江尙護雲
客疑從鹿夢集
嘯聲欲向彩臺聞
龍門再闢成仙蹟
景物明明畫裏分

百門泉

無名氏

巖際溪亭歲月深
瀟湘一片出烟林
騰珠迸玉難圖畫
明月清風無古今
秋國久沿千里岸
濟民長作萬家霖
誰知樂此滄浪客
獨有澄清天下心

蘇門山

理鬯和

我欲家蘇門
寄懶課靜功
補山之缺陷
栽萬株怪松
百泉

理鬯和

我欲家百泉
不欲管菟裘
槌碎諸臺榭
放水自在流

國朝

蘇門山

孫奇逢

蘇門之山等一拳草木不生色黯然何爲博得古今傳
幽事由來在百泉百泉奇絕自生妍山不在高靈在仙
更有名人踵後先靈脈原自遠山延千里相望幾盤旋
應有高人得其全

嘯臺

孫奇逢

長嘯山頭事最奇清譚叢裏另開基遺康數語深於易
喜怒不形亦我師

餓夫墓

孫奇逢

嘯臺一餓夫素守溝壑志同人誦孤詣行道訝且喟一
客向予言擬人失其類欲追採薇人情事已迥異之乎

死法千古何所置予謂人盡生誰解生之事人亦莫
不死誰識死之義生也淡視生塵好無一嗜所惡甚於
死故不爲死悸惻隱與羞惡兩念迴環積苟食卽苟生
溺死復手示蘇門來依予故園竟絕意怪癖未足多潔
操良非易客子聞予言爲下數行淚拭淚復沾衣濕染
空山翠

遊百泉諸大夫廢園

孫奇逢

遲我來遊三十年園林臺榭半頽然靈泉珠吐仍依舊
假者難真真者全

誠淫孫並示在家在外諸子若孫

孫奇逢

陶公最曠達慘懷在五子迂叟癡腸人此懷倍難已責

子更責孫但恐荒書史非欲騁詞翰詩書養其耻物誘
幸未深立身從伊始毋輕鬪舌鋒羞慎所自起勿輕醜
機心害還中於已留得一分樸循得一分理祖父欣光
榮親知推嘉美爾曹各思之我心已千里

清暉閣步許魯齋韻

馬光裕

山色隨望遠巒隱如伏虎蒼根插空明盪漾珠璣吐幽
異殊人間浩劫留此土荷稻香且清由人致雲雨觀瀾
愜素心雅歌揮玉塵卜易起堯夫動靜果孰愈王事不
敢康使我殷懷古嗟哉叔夜才難乎免囹圄用光貴得
薪安有塵氛苦所以文正公徘徊如去魯朝從嘯臺遊
暮渡梅溪塢斷續林谷聲聽之發軒舉

蘇門高士圖贈孫徵士鍾元

吳偉業

蘇門山水天下殊中有一人清且癯
顰眉扶杖白鬢髮鸚鵡野服談詩書
定州城北滹水滌白沙村畔爲吾廬
少年蹀躞千金駒獻策天子來皇都
腰鞬三矢玉鹿盧幽州臺上爲歡娛
日暮酒酣登徐無顧視同輩誰能如
十人五人居要樞拖金橫玉當朝趨
今我不第何爲乎有田一廛書百厨
雞泉馬水吾歸歟七徵不起乘柴車
當時猶是昇平餘一朝鐵騎城南呼
長刀斫背將人驅里中大姓高門問
鞭笞不得留須臾叩頭莫敢爭膏腴
乞爲佃隸租請輸牽爺擔子立兩衢
問言不答但歛歔先生閉戶出無驢
僵臥一榻絕朝餽弟子二人昇藍輿

百泉書院今空虛此中聞是孫登居太行秀色何盤紆
禮楠榛栗松杉櫛風從中來十萬株嘯臺遺址烟霞俱
流泉百道穿階除幅巾短髮不用梳彈琴橫卷心安舒
微言妙旨如貫珠考鐘擊磬吹笙竽古人屋壁闡禹謨
異人手授先天圖談仁講義追堯夫後來姚許開榛蕪
斯文不墜斯吾徒誰傳此圖來江湖使我一見心踟躕
卽今絕學誰能扶屈指耆舊堪嗟吁蘇門山下有碩儒
中原學者多沾濡百年文獻其存諸我往從之歌黃虞
讀薦徵君老師疏寄

張果中

旅夜挑燈讀奏心驚牙史識高賢霜毫色借蘇門月
風韻光搖衛水漣江上有編笈漢詔河邊洗耳廣堯天

聲名從此須銷盡莫使烟霞影更傳

百泉紀遊

有序

孫博雅

戊申春張仲誠先生自上蔡來內黃及門士十餘人聞
風皆至相與聚首百泉訪堯夫於月窟天根弔江漢於
殘碑斷簡水聲山色鳥唱燕歌先生觸物見化機會心
境外諸友聞言超景象解意髓中以山水之良緣成師
友之佳會某講劣迂昧得廁其間弄月吟風喜從茂叔
之坐成吟築室久依子靜之船因憶鸞湖會言渾先儒
有我之見天泉證道絕後世聚訟之端先生正欲無言
吾黨聆茲多術口占里句聊志勝遊

百泉多勝跡觀解水之義泉聲日夜流樂水獨屬智我

因溯流來公爲窮源至源泉不在水歸而自掘地
處處皆春色天空私薦魚日日閱來人山靜飽樵漁一
譚今夕會兩地寸心初俯仰見千古歸途月影疎

夢中賦

冀應熊

入山

潮水濕漉綠蘆林風颯颯吹鬢團空烏鴉成陣隔崖紅
樹孤村

投村

桑柘齊圍新屋薛蘿謹護柴隣埒雞相依入臥山犬如
故迎人

止宿

剩有炊梁爨芋無須爲黍殺雞二三老農共話須臾月
印前溪

臥榻

一榻潛窺明月千秋滿臥白雲依窓蚤唼啣唧遠寺鐘
響殷殷

登嘯臺遙望石門白鹿諸勝

王紫綬

勝迹秋風處處催溪橋隨步入雲堆峯頭星影皆爭下
地底天光忽倒開幾樹空青懸雨立一層虛白擁潮來
阮孫語後何人到不改峻嶒百尺臺

仄梯危磴一盤盤碑碣何年返照殘白草野燒明古戍
黃花陰雪照層巒荒苔石罅猿啼急獵捲蘆笳雁度難

最是晚虹初過雨，羣山秀挂碧琅玕。

登嘯臺懷孫徵君

施閨章

策杖荒臺雲氣聖，獨攜良藥倚孤松。夏峯見說高人在。

知偏東山第幾峰

題夏峰壁

談允謙

半結茅簷半種松，夏峰未見有何峰。一從公隱長林下。

壁立巖巖幾萬重

安樂窩

盧繪

安樂非以地，禹形山與竹。洛陽亦有居，蘇門亦有屋。玩物春山心，觀時秋水目。既無劇味，新况有蒼翠。羣仄徑

發幽花，懸崖秀獨木。誰謂烟中鳥，遠勝雲邊鹿。臨水桃

花園傍山小樓築先生偶樓遲後人膠止宿寄言
途擬議皆鑿錄有斐同勿讓何必瞻淇澳

十八盤

郭遇熙

石磴何年鑿崔嵬曲徑斜千峯一鳥道萬壑幾人家林
綠垂朝露葉紅低晚霞盤桓雲路近疑是走龍蛇

中湖寺

郭遇熙

聞說中湖秀攜樽到此間穿林人不見隔岸鳥知還碑
照千巖鐘鳴半日閒飛泉搖竹影醉裏破禪關

九蓮

孫淦

石門層疊裹千峯爭向遊人逞怪容巖通崖邊驚路仄
屏浮天畔訝雲濃躡臺神女懸青鏡醫碣飛潭走黑龍

千尋削壁落眉前窄磴斜排直到天
瞥目轉驚來路惡
歇身略倚臥松堅猿藏古穴全無跡
梯爛懸崖不記年
絕處劃然山自裂
喜從巖裏達危巔

龍鍾老叟起蓬蒿
久住山中教使高
蔬摘茅厨烹棟葉
茶斟瓦鉢點槐膏
虛憊覺晴林啼鳥窮
谷知春岸放桃
撥火殷勤一夜語
不會片語染塵囂

屐齒摩天鳥道平
下方無際轉心驚
百巖日背畏凝雪
深塢春遲偶聽鶯
雪返危峯千樹暗
日沈絕澗萬山迴
訪奇側下懸崖坐
貪看飛泉不肯行

因愛峯迴萬樹青
徘徊撮結小茅亭
須聽水階響

几欲憑山戶莫局古嶂雲聯千疊翠野花風送四時馨
果能住此塵緣斷儘可陽坡刷茯苓

西蓮古廟亂峯圍松老當門掛夕暉仙迹遍尋碑字滅
樵僧屢出磬聲稀幽蘭綽約依崖茂怒澗縱橫隔樹飛
小僕提籃過溪去訪花緣坂欲忘歸

歸崖蛻蝦尾東蟠撲面相迎盡大觀數里岸分成巨壑
千尋水立墮驚湍乍晴峯自雲中出旣夏衣從峽裏寒
應識山靈留客意濛濛細雨瀑前灘

烟雲回首隔迷離如此佳山識者誰寂歷無邊方得靜
攀躋難到始稱奇孤高竊喜交遊少磊落何妨賞鑑遲
不是探幽予素癖擔簦那得測藩籬

紫園巍

孫詮

路入石門奇到處多起伏怒峯鬪高空翠色隱相屬盡

日拱裏行變幻無定局遊筇歇偏梁地名巖雲臥巾服凌晨

到三龕途窮令人哭陡壁天削成磴窄剛容足魚貫舉

鐵繩蟻行緣朽木俯看下界空蒼茫賊心目細點同行

人多半返山麓梯窮天門開仰身入石匱上方別有天

沿邊徑蟠曲細流吐暗泉足下響飛瀑空谷訝人聲聒

見山僧屋不記住幾年面龐迴不俗百里隔夏峯塵緣

苦追逐悔不棄家來長纜掘黃獨前途雲烟中兩山若

斷續石板二尺寬百步向空轟遊人心膽寒削行笑蹙

跼仄脊凌絕巔諸天縱遐矚羣山四面環拱揖巖巖綠

獨此高插天巍峩掌坤軸道士念我疲留我頂上宿大
闕呼吸通閉目眠不熟只恐罡風來飄搖隨仙族

嘯臺

蔣伊

所思在流水絕磴更尋君獨有蕪門石寧知晉代文半
峯紅日近一嘯碧天聞逸響杳然去荒山空白雲

一川上已洗目攬衣來謁君青山容隱士碧蘚有遺文松
籟暮濤急鸞聲靜夜間悠悠千載後舉首向高雲

嘯臺

蔣陳錫

千載誰同調芒鞋一訪君微茫山外色斷續碣中文瀑
響因風急鶴聲隔樹聞只今嵇阮侶猶得附青雲

崇山屏障

軍縣八景

陳勳

太行迢遞百門西翠壓孤城望欲迷
巒影淺深隨夕照
溪光搖曳接丹梯
虹開飛瀑迎還斷
雁帶寒雲遠更低
未遍登臨塵盡滌
山青水碧一枝栖

大川環繞

陳勳

靈源萬斛瀉平川
漱石穿雲起暮烟
惟有源頭清見底
故教深處碧涵天
月移匹練看如畫
風入前溪醉不眠
千里輓輪資

國計春流無恙惜涓涓

蘇門曉色

陳勳

一片晴霞曉氣侵
蘇門好景愜幽尋
珠翻泉底魚龍影
日射山腰雲樹深
芳草經春常礙馬
荒村近市亦成鄰

相逢誰是忘言者臺上空聞鸞嘯音

百泉湯金

陳勳

川上孤亭俯急湍綠萍紅荇映青山沙噴金玉分晴雨
客到春秋數往還竹裏泉聲千壑應樽前詩思一鷗閒
憑欄奪目光如許點石今疑問水間

層樓挹翠

陳勳

清暉高閣砥中流迴望蒼烟入座收六月蓬萊九簞冷
四山嵐氣雨花浮松風竹籟留孤韻人語溪聲共一樓
雲影碧波天上下恍疑神女弄珠遊

貞節古臺

陳勳

千年松柏晚含英婦道由來重死生人以荒臺知衛國

天教貞節表共城源泉洗盡鉛華態淇竹長留粉黛清
多少鬢眉應有媿何嘗闕閣擅高名

凡城夜月

陳勳

皓魄經秋絢彩霞天高露冷漾銀沙溪雲乍斂光猶濕
雉蝶空懸影未斜柳壓低橋迷野渡烟凝老樹好棲鴉
繞湖款段歸來晚城角悲風咽暮笳

安樂遺窩

陳勳

閒將四物養天真相見當年學易人山弗求深心自遠
川因不息地無塵花闌展齒侵苔綠雲護園扉冷竹筠
解得箇中安樂趣魚竿詩卷盡生春

閔百門泉五閘改建石絡偶賦

王新命

泉源載風詩水利由來久居人建五閘蓄水灌畝
河漕百萬亦藉此清濶每歲五月初啟閘有典守五月
正農時農人良掣肘

皇軫如傷綸言甚明剖漕運與民生自當計不朽余來細探
驗設閘均平否上塞下不流未免滋弊敷板流卽竭
苗稿誰之咎水利本自然何必多拘狃約法一更定用
竹編成篋撥取灘灘石貯之各渠口涓涓晝夜流不先
亦不後終歲水常盈公私均得有此法無偏枯只在一
舉手駐馬百門泉歌詩喻童叟

和韻

閻興邦

衛水百渠與地同悠久古人設五閘藉以滋南畝歲

旱穢其流停蓄成清澗自用注漕河一一置防守兩岸
多營敗壞橫連營則蒿目不能爭呼籲求分割塞恐誤
神倉洩慮禾枯朽

王言詔臣工汝往相可否因思兩利兼取竹淇之藪盛石邊奔
瀉漕漚水無咎但求作法良勿爲時俗狃溶溶蹙細波
涓涓出巨簍如身血脈通導言必宣口濟漕在所先滋
農寧敢後

國賦達 京師西成慶大有檣帆與桔槔運用猶轉手作
歌立河干殷勤告童叟

和韻

俞森

衛源如珠貫造物噴湧入台流走千里停淤裁十畝依

山既偏淺滯雨自清澗灌溉資民生轉漕費官守兩利
欲並存朝野苦掣肘司空坐遙度大勢早立剖駸駸攬
轡來措置功不朽試問神禹書有此制作否天精既過
行桑麻亦利藪能參天地化咸脫公私咎爭美今公溥
乃嘆昔拘狃淇園竹菁菁子來競織簞蘇門石磊磊層
累移聞口原隰絕旱乾輸將無先後從此共伯城歲歲
書大有拜表天開顏竹田農業于雲章一載賡歡聲浹
童叟

和韻

胡蔚先

淇流偕衛泉葩經垂之久浸灌育萬物今古滋南畝飛
輓慮愆滯藉此涓涓瀏杏花蒼葉時閉關專司守抱甕

賴存活用之嗟掣肘

聖明照萬里

絲綸特垂剖

天庾自云亟民生恐凋朽河使盤輿來探源詢可否深念五
閘計堵板藏姦藪再令秔稻枯農困能無咎琴瑟解絃
柱張弛破拘狃良法運經綸嘉謨創諸篋潺湲走石躡
防川慎防口

國計與田疇兼利均先後漕艘既通津歲功亦大有觀是
平等心山靈應拱手霖雨沛浩蕩千年活童叟

百門泉

俞森

赤地宜枯總不枯靈源探得亦虛無
鑿鋪謝眺詩中

細湧鯨人泣後珠今日

神京勢輓運昔年花縣變膏腴風前搔首臨淵客願借甘霖慰此都

共姜祠

俞森

共城千載下都解頌共姜自昔維之死於今竟未亡天
愁歌柏汎臺古冷椒漿共伯曾無述留名得共長

百門泉

王贊

水流山峙耐人評
薺盡烏絲與管城
不把峯巒供畫譜
且呼花鳥入詩情
石間壺浪驚風烈
竹裏層陰蔽日晴
囑語山靈虛我席
泉聲留着伴書聲

重修孫公和祠

孫用正

我家嘯臺旁恨未得聞嘯斯人已千載俯仰恣憑弔先
生真大賢學識俱遠到遯世而無悶孰能窺其奧土窟
別有天中懷何浩浩身世已忘機寒暑詎能撓無喜亦
無怒涵養想深造阮籍徒猖狂嵇康亦輕躁才大乃不
用識真義微妙平生喜讀易斯語抉其要緬彼魏晉間
儀象失光曜默以藏吾身避世固有道體用實兼備茲
已窺全豹諸葛臥隆中一出著明效太公不遇文渭濱
亦終釣見則爲伊周潛則爲孫邵先生跡獨奇遂有仙
釋號神仙無實用石隱不同調高臺萬古存勉勉從吾
好

創建百泉共姜祠

孫用正

道在深園不爲名高祠誰許比崢嶸志堅山石翻增重
行潔泉源欲讓清大節天開周節婦諡共地借古共城
須知王化從茲始俎豆馨香百代榮

住泉上連日陰雨放歌

孫用正

泥滓更無遊客至泉靈應亦喜清閒魚兒戲水浮還沒
鷺子翻風去復還僧笛聲傳殘寺裡牧童歌聽白雲間
公和一嘯留千古長使孫家占此山

自嘲

孫用正

堪笑老翁八十五浮生碌碌無足數赤貧還博多事名
豈真揮金竟如土宅畔先祠創三楹泉土專祠亦獨成
故園祠墓竭綿力十年奔走爲雙峯

在易州西山先徵
君書院在焉爲土

豪侵占十年 雌伏寒鴉二十載浮心躁氣何曾改禹許
始復故物

兩地新學宮書院創建生光彩歸來老興尙勃然馮婦
攘臂在百泉官紳提攜不我棄山頭顏敗忽新鮮途窮
偃蹇謀家計衰殘門戶思收拾禍機還從多事生電光
閃爍聲霹靂聲震四壁正嘍嘍又欲爲人補敗牆祇知
宇宙皆吾事誰管荆棘滿道旁多事不如省事好決計
改過身可保方愁公和嘯臺廢半途又有高子專祠建
當蚤

除夕示孫曾

孫用正

八十八年歲又殘椒觴細把坐更闌門中日月消磨易
有限時光再得難貧到不求纔見品拙知守分勝爲官

堂名孝友傳家寶留得些兒耐歲寒

別安樂窩

楊世鼎

苦樂在心非在地安危從理不從勢
天子清風扇兩關
詎屬遺窩培塿際歸去來兮別几筵
天北天南一經世
高子祠落成喜賦

孫在城

蠹蠹太行山浩浩百泉水鍾毓代有人
首推子高子善
執親之喪三年無少弛守法刑衛人報怨
別者恥越世
已數更歷歷載經史廟食徧寰區
專祠缺桑梓先祖彌
留時諄囑情靡已創興會有時
後賢當蔚起卓哉信國
裔紹聞世濟美

簡命撫是邦政清而事理石砌雙溪橋險道坦如砥邑乘六十

年筆削匪昔比

聖廟次第新爰及先賢祀典缺二千年廟貌自茲始清俸倡
百金貲捐逮紳士董率委師儒兩賢同意旨鳩工而庀
材相基以築址堂室奧且深陳設潔筵几明德馨黍稷
肥膾肆羊豕禮拜徧官紳奠獻謹視履事在宗前賢志
存訓閭里去智寧效愚風聲儼提耳人人勵敦龐世世
檢行止庶幾廟貌隆不僅具文矣余愧廁儒林奔走供
役使過化仰蟹筐重道咏樂只雙美一舉全曷勝懷忘
鄙雖乏遂歌才落成聊紀此

選期已屆作此自勗

周際華

利鞞名繯一例牽登場傀儡最堪憐殘杯冷炙擅恩私

選妓徵歌罪孽緣
黑夜有人投白鏹
蒼生何處見青天
問叩幾日從官去
肯要兒孫薄福錢

謁孫夏峰先生祠

劉大觀

故鄉蹂躪不可佳
蘇門風月成新交
山徑幽深采薇食
處貧不怨心囂囂
泉上祠堂鏤貞石
蒼松翠竹鳴秋濤
八九年前撰遊杖
名香一瓣祠中燒
兩朝徵書十一賁
先生固是人中標
傳經守道學者事
不袒閩洛攻餘姚
廬墓衣傾六年淚
麻冠突兀驚猿猱
此是綱常大根本
一髮不容爲動搖
孝友餘波及義俠
鹿伯順來盟久要
衰季用人不可測
翦除麟鳳留鴟鴞
左魏赭衣赴厥獄
刑餘黨炤方凌熇
先生爲國惜元氣
擬芟棘刺收瓊瑤

高陽入覲事不果一茅一鹿心空勞此亦賢者大作用

惜乎權柄不我操却念并門傳青主伏闕上書冤獄消

崇禎中袁臨侯督學山西爲巡按御劾張孫振誣劾被逮傅山橐餽左右伏闕上書雪其冤馬君常作義士傳

比之裴義舉關乎幸不幸未能一律繩英豪吳下更有

徐魏劾徐昭法忠臣後裔潛蓬蒿開府入山屏輿從終難一覲

雲中樵三子可入逸民傳名可得聞不可招晚年日飲

百泉水餓夫墓上風蕭蕭理學宗傳初問世中州人物

亦發雕百年孳孳法孔孟寸陰尺璧無輕拋天下讀書

向上人誰不仰視如斗杓靈皋居士作銘誌體例森然

無妄褒豈必河汾出將相宏謀大業爭岩嶢雕陽先生

今廟食曾受先生甄與陶先生之風何其高

和劉松嵐觀察謁夏峰先生祠原韻

張德鳳

勝朝中葉國是變盈庭黨論紛訖交闕門鐵牡倏飛去
昏昏九野多塵囂廟堂否隔百爲廢有如日下江河濤
況復逆璫扇凶焰芝蘭梁棟同摧燒天生先生丁厄運
耿耿獨立陵清標讀書致用早有志誓埽荒穢追黃姚
一朝發策筮蜚遞空山獨往儕猿猱徵書屢下縣官促
介石之守誰能搖蘇門百泉富山水厲公暫厲成久要
雲從風至學徒集好音一變懷鷗鴉山中歲月自清晏
坐觀斯世方蒸燻重思往事三太息崑岡誰與完瓊瑤
偉節西行難不解晉陽舉甲謀空勞大廈將傾事機失
此有天意非人操乾坤重整道方泰陰靈一洗如冰消

昌明正學偉人出門下著錄多英豪同時幾輩毀冠服
競學出世濳蓬蒿孰追絕景紹周孔遺經掇拾供蘇樵
先生守正不變塞冥鴻畢竟誰羈招昨從夏峰謁墳墓
兩行松柏陰蕭蕭崇祠新葺聚忠義姓名一一重鏤雕
人生大節在君父忠孝肯以浮名拋扶持後進述聖業
如山有嶽斗建杓亭林當時發異論未免狷狹輕彈褒
太行西來接山麓清風千載同岿巽裘裒庭宇肅瞻拜
几杖惜未親甄陶長歌仰止天爲高

和劉松嵐觀察謁夏峰先生祠原韻

周際華

人倫道乖士風薄公叔著論稱絕交門戶攻擊甚明季
三案翻覆爭喧囂東林復社繼起仆風會所驚如奔瀉

清流受禍自茲酷赤舌竟可將城燒先生急友爲宗
尚以講學相矜標奈何小儒尙目論謂沿定論宗餘姚
古今聚此一邱壑如賦苧粟愚狙獠大賢心事若皎日
卓見豈以禍福搖惜哉秘策棄不用鬻拳兵諫非君要
剪除兇豎培國脈何至廟社盤鳶鴞遂使羣賢共糜爛
緹騎四出威炎熇計窮力盡救不得一朝碎此千瓊瑤
人之云亡邦國瘁崎嶇寇盜身勞勞易州山中結鄉社
戈甲未免親持操偶然避地樂斯土躬耕坐待烟塵消
鼙鼓聲中思將帥九原碧血多英豪刑餘厮養竊魁柄
宗廟一旦成蓬蒿空山迴首弔陵闕往往涕淚驚漁樵
國恥已雪世清泰隱矣不用夷齊招遺祠百載就傾圯

使節暫住虔熯蕭安神興葺屬守吏但取渾樸無斲雕
更闢三楹祀忠義尺椽片瓦非輕拋表章逸軌勒貞石
啟牖後學如指杓先生淵源溯洙泗匪以義俠輕揚褒
安樂窩連嘯臺瀛清風亮節同堯堯編年紀事有手錄
但書甲子如追陶千秋徵士先生高

重遊百泉

張德鳳

去年我宿泉上山窮冬景物殊蕭閒五更山鳥喚客起
坐看萬竅生雲煙雲耶水耶杳莫辨初如擁絮旋堆綿
須臾日出煥五色正練散掛千林巔別來兩月重命駕
春陰澹沱逾清妍山禽弄吭似相識閒關一串驪珠圓
幾株紅杏媚幽獨萬箇翠篠含便娟雨收雲散一區屨

四山倒浸壺中天更上高臺一長嘯招邀鸞鶴來飛仙

廿年奔走因塵土茲遊信美應前緣故鄉亦頗富山水

一朝千里移眼前東坡卜隣舊有約

東坡有與柳子玉卜居百泉帖欲

住徑少二頃田却憶徵君寓居地放歌應不嗤狂顛臯

比坐擁媿無似心傳倘許窺遺篇使君政成振文教崇

祠新葺昭恭虔

徵君祠新落成

勸農巡行兼勸學坐聽四境皆

鳴絃千秋絕業今有託不信請看山下泉

和張梧岡太史重遊百泉

周際華

山水舊有緣來此主百泉百泉愛我能愛客我愛百泉

致遊仙

丙戌冬君來遊泉上愛其山水清曠適余重建共城書院延以主講

仙人愛飲百

泉水水到仙心渾不滓放眼直亞太行山一嘯臺空鸞

鳳起重來泉上泉，清腴泉頭冉冉春。雲鋪自捫臣心得，
何似慙媿前人冰。一壺君不見，山前山後皆瘠土。十萬
人家貧，且魯勸農勸學幾時成。搔首嗟嗟百泉主。

戊子伏日勸農紀事

周際華

驅馬出東郊，沿村路半坳。新苗齊見穎，早穗已含苞。歇
晌人初睡，停耕鍤亂拋。不防官吏到，申勸聽嗷嗷。

犬隔籬籬吠，停鞭住小橋。樹深三徑晚，葉熟一肩挑。白
髮牽裾坐，蒼生信手招。我來相問訊，何事畏官僚。

土酒濃於水，金錢少似刀。人能甘力作，我共念勤勞。命
飲何妨醉，嗟來不用逃。偶然施小惠，猶自愧屯膏。

歸去日，西落殘篋有騰糕。新桑留綠雨，老竹冒青袍。燕

剪輕疑墜蟬聲軟更高南城好風景相顧樂陶陶
又出西城去農忙日正驕其人身似聖厥作汗如潮水
不療心熱瓜難襯腹枵馬頭泥首拜相望赤條條
幸得連番雨芄芄慶黍苗溪流時有鷺風靜不聞鴉香
稻隨雲拂高荷帶日搖前村多竹樹何事畏炎熇

勸種桑

周際華

種桑資民利栽桑利更奇期年頻濯椹三歲總多枝共
畝生如黍成陰密作籬女工從此課牆下日遲遲
况救共城弊斯民倍急時男兒休歇晌婦女早纜絲拾
麥成何事燒香更不宜可憐生計薄消息有誰知

莫道桑難植鄰封處處宜

澤州林縣內黃
汴梁皆出細

有泉尤易沃

積歲便居奇蠶理隨時講民風自此維古來根本業舍
是復何爲

蠶種如何聚秦觀論可師化蛾由繭脫煮粥藉神司接
候知眠起來桑趁早遲驚心飢與病何日是閒時
其聲如下筆此際費支持辨色須防惡盈床莫妄移煮
湯抽乙乙顧杼織絲絲上下分功力辛勤課女兒

年年苦費詞百姓罔聞知大利原歸汝持籌適在茲遵
循期有效傲慢恐難熬子產曾開畝何妨受謗訾

勸士

周際華

儒豈衣冠具乾坤重一身名將思責實火必慎傳薪不
抹潘江富先尊董策醇若非懷器識何以異村民

拜獻資何用言揚制警陳白頭羞學究青眼屬才人仙
骨原無種花思只自新邇來相授受指點盡迷津

焚却家藏稿陳言去務真白文爭熟讀黃卷久相親切
忌烘冬味毋爲拾睡人西施原可效何必效其顰

先輩行文法無如清與新擇言原貴雅立意總求真蠟
味苦人嚼油腔偏自循與君謀擺脫不惜誇諄諄

溧水論文則驪珠世所珍史禮堂先生著
論文三十則諸生如棄舊

此後與圖新經史宜師意倫常只問身眼前皆妙諦勿
枉費艱辛

欲學工居肆應籌頁笈春仙源漁父在鹿洞桂花新捐

書院中桂
樹甚茂屏去當家愿成茲力學身此中三不朽莫自

誤頭巾

勸農擬古

周際華

來汝農民予告汝以耕汝不聞

天子祈穀於上辛三推以示勤惟暨乃僚罔敢不欽矧惟司
牧敢不是循矧惟汝農民敢不是遵汝母逸乃身毋自
惜汝形汝有慈親菽水其何承汝有妻兒啼號其何禁
汝有姻婭周恤其何能賦于汝征役于汝興游惰之不
懲罔克胥匡以生我惟時其闕汝耕胡不深闕汝于
耘稂莠不分不爲非種之鋤而蕘稗是并越其罔有西
成汝能無悔于厥心予姑不汝刑爲汝課爾與汝求晴
汝熱欲飲予酌汝以尊汝飢欲食予飼汝以餽惠汝泉

刀雖無補于汝貧聊以見屬勸之殷殷

衛源

麟慶

雪晴觀衛水尋路過共城民氣此中古泉源分外清孕
靈澄碧落利濟到蒼生寄語巖居者休徒羨濯纓

嘯臺

有才甘不用長嘯說山林已息龍蛇跡能傳鸞鳳音道
通三絕易心契一絃琴臺頂留遺像高風滌我襟

安樂窩

宦海半塵鞅今來安樂窩爲魚叅易妙桃竹得春多放
誕非真率從容有太和小亭標擊壤正好獻衢歌

孫徵君祠

三徵仍不起道寄夏峰尊嘯咏聯前輩登華重及門新
碑容我讀良史倚誰存抱得遺書在名山盡屬孫

百泉

從我皆仙吏相邀問百泉波心清見底池面淡霏烟映
日金齊湧涵虛鏡倒懸臨流看不足竟向水亭眠

清暉閣

清暉聯雪月貯我在冰壺樹影疎還密泉聲有乍無在
川尊孔氏樂道契堯夫夜坐清如此休誇明聖湖

白露園

清曉山禽鬧歡呼喚客醒一園題露白萬竹掃天青雲
惹侵書幌烟光展畫屏摩挲看肺石灌頂水玲瓏

共城留別

共城賢令尹此地幾經營栽竹迎門綠疏泉澈底清
流君嗣響遊咏我含情欲訂重來約春鷗合證盟

百泉八咏和麟廉訪見亭先生原韻

周際華

衛源

利濟通瀛極巖威擁列城一亭碑篆古千尺水源清
貌丹楹啟風雲畫棟生名賢共棲止肅拜整冠纓

嘯臺

何處聞天籟儵然出遠林當年嵇阮輩總未許知音
曠留真璞希聲緬古琴松風好披拂長嘯更開襟

安樂窩

先生居洛後安樂有行窩此地棲遲久當年著述多扣
門來邑令比戶得公和飲酒抒天意從容發浩歌

徵君祠

歸然喬嶽像耆宿更誰尊道脈薪傳火叢祠竹滿門著
書今尚在種柳已無存寂寞南村路雲仍幾代孫

宿百泉

霽雪迎晴日行轅駐百泉閣邊喧樞馬竹裏送厨烟入
座春風早當階皎月懸門闌官鼓靜鷗鷺亦安眠

清聊閣

水閣臨虛牖清光滿玉壺冠襟涼似洗河漢澹如無洪
澳懷君子千旌詠大夫水鄉遊覽遍還擬住西湖

白露園

竹徑鴉啼曉松陰鶴夢醒野雲彌地白濃霧失天青映
日澄波鏡依林厰翠屏山僧清磬發時聽玉玲瓏

共城留別

勝地追陪切寬閒謝屏營仰山知面俗酌水勵心清圭
臬遵新令芝蘭憶舊情熙春肯停幰倒屣望前盟

秋孟賞農

周際華

閒尋野老敘郊垆說到田功我慣經百里那堪逢旱澇
幾年差幸絕蝗螟深愁課糶桑難種可笑談文牧暗聽
多謝壺飧好收去莫勞朋酒上公庭

氏問有欲爲予
祝壽者力謝之

去歲農官今又來可曾相識莫相猜帶花香隴連天遠

光緒二十九年九月
三
隔水吟蟬倚樹催好雨過多原是福秋禾已熟竟無災
邨莊兒女都勤甚不信遊民勸不回

指點前村與後村稻花香裏過雲門新菱乍試瓊爲液
嫩藕初抽月有痕草地放牛誰掛角路旁栽樹已盤根
一聲習井聞人溺生怕奇冤落覆盆

適薄壁報有落井之案

忽轉山陽抱旱憂癡心直欲向天求最憐嘉穀空盈畝
又念窮民望滿篝半夜征衣幾點露五更叱犢一犁秋
蒼蒼於物終仁愛慰爾農人自有收

重疏玉帶河紀事

周際華

太行山壓蘇門巔萬道珠光噴爲泉此泉南下不肯住

孤城無復水迴旋海虞陳君擅風鑿

陳侯必誠力修此河

湘走東偏遠道一千五百丈城頭遙聽流清朝現

霓影夜開新月弦名之曰玉帶毓秀已連年滄海桑田

良有數誰遺精衛唧石填兩番疏濬終淹沒

滑侯彬文侯兆夷先

後疏

八十年來徒棄捐慙予偶作百泉主徒手焉能障

百川口舌勞勞歷三載一朝志士爭相先春雪融透隴

頭麥春風吹暖河上烟我行才于青鞵鞅綠楊紅杏齊

鮮妍二十里分四十甲遙聞磬鼓聲喧闐羣兒不慣溫

存語得蒙獎藉喜欲仙歌聯兩岸不知倦蛾子迴環九

曲穿幸哉年豐民氣樂不指澤門怨悁悁願得安流長

相守扶輿淑氣鍾綿延吾亦謝吾之仔肩

重遊百泉

楊芳

重來瞻靈泉慨茲太行麓鳴鶯止細柳游鱗漾修竹動
靜索與盲天根剝月窟滌壻快神思盪胸怡心目西望
侯兆川神驚鬼猶哭屈秦欽完璧敗金壯武穆五百餘
年後滑臺賊竄伏湯陰集戎伍鬚髯蒼越宿勁旅靖逆
氛京觀列幽谷念彼蠢蠢者何事不積福積惡天降灾
斧鉞膏皮肉求治敘彝倫心香祝九牧

庚寅八月十一日禱雨歸途馬上口占 周際華

早到深秋種麥難石門曾記有祈壇
丙戌夏祈雨于此立應 明知

自取貪天罪爭奈斯民屬宰官

最香風味出田家遺我瓜蔬意足嘉

上樓農民赴石門饋給瓜茄豈蔬

等茶報德欲憑川嶽惠可能霖雨到桑麻

望雨何期月又來山門一夜幾回開
夢魂誤聽雷疑是三仙早降雷

五更潭影更清冷似有龍吟不敢聽
可是神靈工變化出山雲氣已亭亭

鎮日心旌寄石門誰驅甘澍出雲根
年年都向壺中過此夕方知天地恩

披衣起舞誦神功山澤原來氣暗通
仁愛自天千古事何勞邑宰過冲冲

嘯臺

昇寅

阮籍疎狂得未曾蘇門長嘯有高朋
如何親聽鸞鳳響獨讓孫登百代稱

安樂窩

昇寅

先天皇極等河圖縱有真傳穎悟無非載若非拋枕力
焉能安樂獨堯夫

贈周石藩明府

昇寅

勸農興學日提撕古蹟殘碑補築齊卽此數端知化理
家風真不愧濂溪

昇賓旭總憲巡閱駐百泉上留詩見贈卽此和之

周際華

忽然天上下將軍翠竹蒼松繞絳雲春滿兩河思挾纈

詩翻舊案出奇文

先生有蓬萊閣諸葛廬百泉諸詩不捨前人餘唾

冰心自昔

原無染諫草隨時早暗焚大講高牙何足貴如公擊鑿

未聞

蘇門何幸使星來，泉水涓涓任溯洄。
千里紅塵聊小住，一雙青眼已全開。
高懷寄與公和嘯，碩輔生成宰相才。
許我登龍忘俗吏，郵筒往復費親裁。

疊次寄書
皆係手出

遊百泉登蘇門山留題

文沖

來遊太行麓，獨弔蘇門山。
長嘯一聲歇，高臺千古閒。
林巒看簇簇，泉水聽潺潺。
愧我風塵吏，明朝騎馬還。

贈周石藩明府

文沖

咄咄周明府，相逢分外親。
爲儒能闕佛，作吏不因人。
泉石半生趣，泉上磨磚礪石九年不磨絃歌一縣春。
無端重來訪，蔬笋

味宜真

和本道文一飛先生原韻

周際華

豈不雲泥隔追陪氣味親鑑光容俗吏詩力薄前人卓

有河干論

先生謂黃河宜復故道有神禹不來憐下策之句

洪茲葑屋春

河朔三郡

先生獨力撫慰

巖巖風骨峻惟此性情真

重來百泉上豈爲百泉親眼底江山跡胸中唐宋人生

尊事唐宋

功名不諧俗

先生以氣節自高

議論長生春痛快排仙

佛吾儒此見真

贈周石藩明府

王元濤

共城十載聽揮絃遠邇同稱令尹賢有子半成朝內宦

剛君子倫子駿均以名進士供職部曹

如君真是吏中仙循良餘事營山

水經濟宏方著簡編我向先生尋治譜省從兩錄細

附十願歌并序

石藩周邑侯治輝十載實政多端不可枚舉本年

朱蔭堂先生爲豫省方伯公以姻親迴避去任邑

民留之不得乃爲歌送之名曰十願歌歌曰

霜風攪樹聲颼颼我侯去輝逢三秋黃童白叟攀轅

留山川無色天爲愁我侯遷陞在吳會光儀遙望雲

山外但願他年重返蘇門山千家萬戶皆歡顏

程邵姚許聚此邦誰歟接跡兼山堂我侯先後遙相

望篤行實踐非尋常公著有省心錄皆言修齊之要務召杜誠哉民父

母區區豈足報高厚先時邑民上民之父母額更願位置我侯山

水間名與昔賢共長久

襤褸圍坐聲嬉嬉共聽我

侯勸農詩

公著有勸農詩刊布邑中

此中何預我 侯事焦勞終日心憂危飄然一去誰憐
我黔陽萬里烟雲鎖惟願 侯之善政垂千春沐其德
者思其人

山漲崩泮聲喧厯良田轉瞬成汗萊我

侯捐俸重疏

鑿從此倉亦登春臺紅石堰築如鐵牢峪水淨綠環週

遭

公重疏請公渠又築紅石堰以防峪水

但願水利永不改千載我 侯

川上在

講堂新設張臯比諸生魚貫何委蛇我 侯退食問晨

炊猶搜箱篋延名師

公建百泉書院于城內所聘山長如張梧岡太史劉杞南給諫皆

當代偉人束金悉出自已囊所成

就人才甚衆鄰邑且多有來學者 人文蔚起聯甲第采

然高折蟾宮桂

甲午乙未兩科
獲雋者四人

但願賢令好士皆如此

行見韋布化青紫

環宅若畫濃陰涼倉庚音滑如嬌簧中有女子織七襄

機聲札札聞隣牆問何以故風俗良皆因我 侯勸蠶

桑

公有勸種桑詩且
立機房以教民織

但願民間衣帛遍黎老不借天

公黃綿襖

秦鏡照膽明如何我 侯高坐威嚴多鬼蜮現形魑魅

懼相戒莫犯包圍羅至今治輝十年久巷無打降與醜

酒

俗謂鬪毆爲打降
亦嚴禁棍徒皆爲敘述

公出 但願此後闔境無強梁耕

食鑿飲遊羲皇

琳宮梵宇窮人工沙門惑衆談虛空我 侯捧喝如霹

靈力維人道倡文風改建義學二十處至今牧童皆識

字

公著佛說戒民事佛改寺宇爲義學二十餘所紳民皆踴躍捐田以供膏火之費共願我

侯食報繼書香子孫俱作紫薇郎

玻璃十頃涵雲烟湧金噴玉翻珠圓天生奇物不容沒

雲石高轟船房邊

公重修清暉閣及泉上諸亭臺又修船房三間從泉中掘出雲石作爲

記立于船房之南君不見清暉高閣波心起傾敬有年今就理

吾願遊人思所來莫誤此間作海市

侯來十稔閱星霜百廢具舉綱紀張我欲忘之不能忘

新修邑志堪叅詳

公重修邑志補錄八十餘年遺事而公之實政亦略見於此此

去何方作霖雨億萬赤子矣哺乳但願我侯登壽登

遐齡舉世永奉爲儀型

道光乙未秋九月望後八日邑人郭琬敬錄

加
嘉
記

卷
一
九

三
二

輝縣志卷二十

輝縣知縣歟筑周際華石藩纂修

志餘

軼事

殷

河南通志云靳脛河一名太和泉亦名陽河源出輝縣東流經淇縣界入衛河紂靳朝涉之脛於此故名輝縣泉源甚多但文獻無徵豈宜臆斷姑記於此以俟博洽者府志云源出淇縣西北三里

晉

玉川子謂氣激於喉中而濁謂之言激於舌而清謂之

嘯蓋出其言善千里應之出其嘯善萬靈受職斯古之
學道者哉績有晉太行山仙君孫公獲之乃得道而去
無所授焉阮嗣宗得少分其後湮滅不復聞矣嘯有十
五章起權輿至正畢有十二法曰外激曰內激曰含曰
藏曰散曰越曰大沉曰小沉曰定曰叱曰五太曰五少
其第十一蕪門章曰蕪門者仙君隱蕪門所作也述廣
成務光以陶性靈以演文道非止以成聲音作程品也
其音美暢如鸞鳳之響晉阮嗣宗善嘯聞仙君以爲已
若往謁焉仙君方披髮兀坐籍再拜而請之順風而請
者三承風而請者再仙君神色自若竟無所對籍因長
嘯數十聲而去仙君料籍固未遠因動清角而嘯至四

五侯七貴籍世貴林樾草木皆有異響須臾飄風暴雨忽

至已而鸞鳳孔雀繽紛而至不可勝數籍既懼又喜而
歸因傳寫之十得其二謂之蕪門嘯旨今之所傳者是
也深山大澤極高極遠宜爲之先發五太五少沉激內
外一十二法備舉方稍得蕪門之旨矣 都元敬跋謂

是書人間罕傳書序謂王母授南極真人真人授廣成
子其說誕妄不經惟十有二法及載孫登阮籍則誠得
嘯之旨者序又謂登無所授而籍之後潭滅無聞予嘗
以使事道經蕪門訪孫阮遺迹思鸞鳳之聲不可得聞
爲之快悵夫人之聲卽天地之聲也人有古今而聲無

古今是書旣行安知山林之下無孫阮者出然則豈終

於湮滅而無聞也哉

唐

昔唐開元間有巨媼生三女孟日光仲日威季日哀俱未適人而後皆爲神孟治戊巳兼蠶繅仲治庚癸兼嗣續季治畢箕兼疹疫精靈如響人多祀之石門有三

仙祠

羅公遠善隱形尤多祕異之術明皇秋晏取杖向空擲之爲大橋與遊月宮明皇求其術終不授明皇怒命高力士壓殺之瘞於後苑後中使自蜀還道逢公遠手携一履謂中使曰上之戲亦何虐也他日成都候駕中使以其事奏上疑其怪發塚視之止有一履明皇後幸蜀

見公遠於途召之忽不見上乃改葬其柩今南雲門
其墓尚存

宋

布袋佛像石刻在城內天王寺宋崔白畫蘇軾題記

昶公字圓明自幼穎悟住持白茅寺今名白雲寺悠然
自如纖塵不染達人高士皆愛與之遊一日策杖閒遊
謂其徒曰寺東山塢間修篁古柳異於他境乃吾棲真
之所已而默坐示寂如其言

康衛侯世傳呂氏隱於石門遇三仙成道宋宣和七年
勅封康衛侯

元

邱處機字通密，雲南人。居菴門，與劉處元譚處湍二人同學。世祖召見，每言爲治在敬天勤民，長生在清心寡欲。世祖然其言，命左右書之時元兵蹂踐中原，河南北尤甚。處機使其徒持牒招之，得更生者無慮數萬。今遺蹟有三仙洞，并元建集仙資福宮俱存。

秦十一元資村里南社人，早孤，養母劉氏。元末兵至，母目失明，十一負母携妻子避兵於山。時子方三歲，母得食常哺之。十一謀於妻曰：「今兵荒，飲食母餐不飽，莫若棄兒，幸得母全兒，不足惜。」妻從之。遂棄兒，負母避處險阻，採食爲養事，定乃歸。

常 森關村三里人事親至孝母病服藥無效森割股奉母病卽愈宏治三年父病森又割股奉之病亦愈

張 通山陽東社人母病七日不食通禱於神願以身代藥醫不痊遂割股奉母疾果瘳知縣劉玉獎之

崔 淮河東一里人事親至孝孀母無嗣事之如母終以禮葬兒病醫療不痊禱神割股啖之病果愈知縣劉玉獎之

吳 奇篤於事親母疾奇焚香祝天願損年益母暨飲食不入乃潛割臂肉爲餵母夢一老人謂曰汝啖扁食十枚可得壽十年覺而異之如其言後果驗已而父病又割肉以進病亦愈知縣郭淳呂光化張一通皆以禮

獎之提學副使李汝表其門

嘉靖年間椒山以忤奸嵩在獄人莫敢近時梅軒冀公
爲刑部郎官獨極力周旋椒山契重其人作梅花長歌
親書卷帙以贈其詩云江南有梅不見雪冀北雪多梅
花稀惟有中州風工好梅花晴雪相映輝孤根深托雲
石裏天與清香豈偶爾不向春光藉豔陽寧隨上苑爭
桃李老幹雲鋪翻助清層冰萬丈影極明幽姿皎皎絕
塵埃瑟瑟逼人冷氣生萬樹叢中呈淡妝百花頭上吐
鮮芡脩然遠嶠輕風起吹落乾坤草木香一枝潔素羞
粉白娟娟月姬着新裳一枝黃蕊梁園發攢金綴粟色
微芒一枝朱英丹換骨錯認天桃帶曉香一枝紫蕊

初破曉霞飛落緋衣傍一枝同心並蒂開晴沙酣睡雙
鶯鶯燕影籠月瘦骨插天硬梢穿石枯隙含烟鶯蝶不
相識風雨更偏妍冰葩凍蒂應難落一任淒涼羌管弄
前川古瘦清香原太始品題羣花更無比一段幽閑惟
自知豈容俗眼窺紅紫羨君孤梗絕塵俗梅花如人人
如玉得意移來軒後栽松竹交映愜中曲罇酒相看花
無語似促早上金門去商家正須和羹材休爲花神滯
野豎花落結實調鼎春烹來端可薦楓宸願君分種千
萬山以解蒼生萬斛之渴塵

邑令張萬壽先生大節如日星河嶽而又善詩工書東
石河古刻碑存一方外冊頁內有公七古一章詩句清

新書法適麗因護以木匣合僧會司敬謹存貯

寓宦孟氏原籍杞縣與劉文烈公同里公書杜詩一幅贈之題爲秋日過孟氏兄弟朴中帶巧想見前輩風趣書法堅蒼飛舞嘗與其人並壽天壤

國朝

王家珍字秀玉直隸容城人以選貢任山西朔州知州遇姜襄之變不屈死順治十一年

贈朝議大夫山西布政司參議膝子入監讀書時其子福吉尚

幼從伯父家琛寓輝早故其胞姪邑庠生德馨建福於輝蒙 學憲劉批准德馨子世位爲奉祀生

孫徵君偶記西山白雲寺明末文安縣諸生王珣遜迹

於此依法林長老數十年無有知者其子王原以生不
識父爲恨甫受室卽別母尋父旣數年歷盡艱苦得遇
於此寺號泣挽歸見明史孝義傳 又朱孝子重暉粵
西桂林人其父明末筮仕京邸兵戈阻隔者二十年順
治丙申重暉跋涉七千里尋父亦遇於此寺與王孝子
事同緣是遠近皆知有白雲寺之名地以人傳詎不信
哉

夏峯先生輯其友高陽孫文忠公定興鹿忠節公書爲
卷而題其上曰北地雙忠并係以跋高陽筆意開展定
興筆意瘦勁至夏峯則古道照人如商周法物華岳三
峯令人望而生敬

尹爾韜號芝僊浙江山陰縣人宋儒尹彥明之後精音律明崇禎間官武英殿中書帝處之左右每彈琴至精妙處帝不覺擊節曰僊乎僊乎因號芝僊明末遊寓蘓門徜徉山水志行高潔力敦古道孫徵君極重之樂與爲友所著有微言秘旨子域汲縣庠生

孫用正劄記康熙二十八年己巳江西南康縣孝子楊汝貞年十二歲當逆藩之變被擄荆襄其母擄至江北托身於輝民李新時時痛念其子汝貞亦自荆襄逃歸徒跣尋母至輝得遇其事與王原朱重暉同又邯鄲武氏隨夫避荒蘓門夫死氏自縊以殉數人者雖不籍於輝而事皆著於輝表而出之亦可以風矣又記曰明成

化時姑蘓劉欽謨諱昌督學中州輯有元季明賢文表
分內外正雜四集所輯錄之賢則許文正公衡姚文獻
公樞馬文正公祖常許文忠公有壬王文定公惲魯文
靖公翀也此書當時人罕見金陵黃俞台家有藏本余
嘗及見之因於百泉書院有關附錄於此以告吾輝之
有志者

孫用柔字濟剛性至孝甫成童卽荷八口之任父病沉
痾身親藥餌時當歲歉炊烟累絕父歿拮据謀喪奉父
柩歸葬容城復走蘓門事大父母越七月大父亦病割
股以代藥不令人知顏色日瘁腰脇偃偻母叩之以瘡
對探之始得其狀大父病不起又百計營葬竟以哀毀

死年僅三十一

李貞字蕃生性至孝母病貞坐榻前三月不解帶後病篤藥餌罔效聞人言割股可醫貞默禱於神割股以進母遂愈其父病危醫謂糞苦乃可活貞取糞嘗之味苦後漸愈

李延齡字西軒邑增生其父李時芳病篤籲天願以身代湯藥罔效割股以進

孝女張氏任村張仲相女未出閨其母病故女悲痛成疾稍愈父病危無子可恃女割股煎湯與父食疾卽愈有司表其門

紀異

龍來山在縣西北五十里相傳自海上飛來與太行角
崇卑至則懸而止神人拔簪挿其頭遂不能去今鐵簪
尚存搖之則動舉之不起

仙人跡在蕪門山西岑大方石上有仙人跡三字其詳
無考石旁小字磨滅不可識辨

絡絲潭卽黑麓潭淵深無底好事者以絲垂探之百丈
未已

草市斜陽在縣西北五里馬家橋南方里許芳草暢茂
日不正午蓋山勢使然

聖井在長春觀東北一名扳倒井水味甘冽崖上有手
膝痕俗傳有異人俯飲於此大旱不涸禱雨輒應

石鏡在中湖寺嵌於寺西廟門色黝墨有光遠望純黑

遍視則隔溪山石樹木禽鳥畢現歷歷可觀

傅培梧採訪

九聖祠在縣西南九聖營邑人藺公生九女俱不適人
孝養父母親歿以家貲建橋於村南橋成皆投水死邑
人立廟肖像祀之

異棗在九聖祠內高五丈餘圍可丈二奇姿礫砢相傳

唐時所植

王溥採訪

歷城明翰林王公勅字雲芝成化甲辰進士及第第三
人爲諸生時讀書卧牛山寺夜見地有火光發之得石

匣匣中書二冊讀之遂能知未來休咎生平異事甚多

官河南督學時行輝縣山中忽下輿拜曰丈乃在此令

縣志卷末

輝縣知縣黔筑周際華石藩纂輯

志原

舊序

萬歷庚辰志序

夫郡邑之有志所以紀事綜變稽古鑒後考因革而垂勸戒匪以侈繁文炫華藻也世之爲志者黠綴景物誇詡形勝詳於近事而畧於遠稽苛於析冗而謬於褒刺曷裨於世教也我衛屬邑維六而輝則右倚行麓左繞衛流先代名賢棲跡潛德之所昔也淳朴今則澆漓昔稱饒洽今則彫弊所賴爲之令者宣化宜民仰霈聖澤

而志則隨時紀載因事條列世道之升降生民之休戚可攷也舊志作於嘉靖六年暨今五十二載疎畧特甚田自均丈後分爲三等沙堙瘠逋已撥歸德武陟濟源徭銀奏歸原縣種馬隆慶年奉文變賣其半而孳者本折互解開堰創於嘉靖乙巳而漸加修增近自萬歷乙亥聶侯履任見淫潦橫溢沮洳萬頃乃鑿渠濬流膏腴連陌又裁冗役以減征派墾荒蕪以完國賦驛傳懸額召募而免橫索里甲釀銀官支而無濫費他如覈侵隱之學田釐書院之祀典程士正俗咸頌科訓此皆一邑重務舊志所未載而及今不及載焉後將曷攷茲志之修刻也烏容已乎侯五載闡謀精慮恒以先勞自任其

凡所經畫悉具本志及書院志內爲詳是書初選
學李子斐李守容莊復請鄉進士崔公守一兼總其務
邑紳郡守冀公車駕郡王公復詳校焉閱旬月而告成
屬予爲之序余以不敏辭侯謂鄉耆之生於是邦湛飲
文獻其言可爲據予取而讀之見其考覈精博體裁嚴
整表賢特而歷履不遺重評臚也紀興革而文牒備具
邇弊源也標古蹟而文藝附注使稽覽也旌名宦而碑
刻咸錄勸將來也其事核而不浮其詞質而不俚稽制
準道可以裨政可以範俗維時侯適奉命以治最徼赴
闕下不日將輝煌於措邑者殫猷廊廟宏施佇目可觀
而是刻也永爲遺澤云萬歷八年歲庚辰四月上旬之

吉賜進士出身中憲大夫奉勅撫治重夔兵備四川提
刑按察司副使郡人周鎬西邑謹序

順治己亥志序

輝邑擅山水勝槩太行列於西北衛河繞其東南蘓門
百泉占踞其中遊者悅其岑寂清壙皆徘徊而不忍去
逶迤有卜居者所以隱遁之士樂道之人穴棲岩處址
跡紛然每過其地望其風景憶其性情恍如晤先民於
濱麓令人油然而起樂道之心己亥歲余受命吏茲土履
任之口適督撫傳修志之檄因囑邑庠生王光曦任其
事詢之父老稽之載籍深山窮谷遍爲博採數月告竣
余撫之慨然曰蘇門名勝自昔聞之入疆之初見其山

川風土心甚悅之以爲吏治之暇登高眺遠怡心自適
性情此中高賢遺趣猶可領畧深山大澤不無得道之
人煙火風塵而外庶幾旦暮遇之及越其郊雞犬闐然
矣達其郭廛市坻然矣升其堂垣堵蕭然矣嗚乎蕪門
胡爲至此哉噫我知之矣蕪門之山所產者荒草荆棘
旣無榘南梓杞之材百泉之水所生者藻荇清芹又鮮
蠶珠魚鹽之利且近山者多石田近水者多澤田石田
則微旱不收澤田則微潦不熟是以一歲之中苦變不
同一邑之內悲災各異而輝民自古難於有年况自明
季奇荒之後移鄉場於百泉之左通省官士大集於茲
山僻孤城產不勝貢忽加以都會之費日可抵年至於

國朝未暇更議六科以來田疇荒廢士民逃亡十失八九
僅存一二者猶朝不謀夕如葉盡之蠶慙慙待斃耳錢
穀空虛卷牘徒設室家消散杖朴奚加四圍村落半屬
邱墟六街甲第盡成流宦神農后稷之書難效於淤澤
不毛之地漆林官海之術安施於荒涼澄澹之區嗚呼
蘇門安能不至於此哉在蘇門祇可以稱天地之奇觀
而不可以計賦稅祇可以計川嶽之靈秀而不可以閒
農商祇可以儲才養德供賢人高士苦學修道之所而
不可三年九載爲鞅掌俗吏稽勲考績之方其於國家
如飲食中之有苦茗衣廬中之有玩節也苦茗雖佳以
之充飢不如薄粥玩節雖美用之御寒不如敝綈人欲

求苦茗玩飾與飲食衣廬同功是徒敝之而無其效也
既又爲不效而遽欲毀之亦大非人情矣然今

國家壯麗繡疆萬里猶夫飲食衣廬既足之時而且將捐
苦茗毀玩飾豈情也哉嗚呼蘓門否已極矣此時督撫
公爲輝建蠲荒之請是於飲食衣廬中惜此苦茗玩飾
者也使繼此而岑寂清壙之區克永安貞夫豈僅蘓門
之幸歟順治十六年歲次己亥文林郎知輝縣事趙蔭

奇序

邑有志如國有史雖累千百歲因之可也乃中或一再
傳或十數傳輒不能已於修者蓋天道繫焉地力會焉
人事應焉然選者祖孫父子所授受者一王之井疆伏

臘婚喪所習尚者百里之食貨卽其間星隕鶴退無麥
無冰奢儉不常樸巧頓易一時編輯所及直畧而諉諸
氣數耳固未嘗刻刻以事應徵之也迨夫高谷深陵川
原失故石言鶴化人物全非有識者於此訪遺跡於灰
燼瓦礫之中弔勝槩於衰草寒煙之外曠懷已事如在
目前始深思天人感應之理歷歷其不誣爾夫昔之人
亦嘗遭革代矣其一日奮筆而起依星野時令以從天
表封建貨殖以從地採風俗禮樂以從人於古爲徵於
今爲信於後爲一代之史乘也豈非委曲繁重議與任
之交爲其難者歟大中丞賈公撫豫之明年徧檄所屬
郡邑各修乃志共志成余方家於共邑彥請余言以弁

其端余輟然曰賈公詢知本哉所謂善治者不必以一人治數百十人而使數百十人各自治焉不必以一日治數百十年而使數百十年守之亦無不治焉今夫共蓋古伯國唐宋以下或州或邑一泉萬頃沃而淳甲於中州舊矣試問園廛漆林昔之二十而一二十而五者今幾何而泉錯紵纒且百不存一什不及二三焉仰觀俯察準今酌古有不始則瞿然驚旣則愼然嘆已復惕然思急求所以變計之者乎且豫固百戰之餘也河南北實與寇亂相終始興衰之故一望列眉由是雨暘若而天道以稽建置復而地力以齊官師正而人事以協蓋三極之濟也治道云何而不古乎是故日星河嶽文

章斯三者皆精氣之聚也亦莫不始於人事而天地應之公可謂知本矣所最憐者余汴沒而家於共巳而

國朝定鼎又十六年於茲矣共之全勝不及見於前則獨逢其終於今則僅遺其始其屬望後來之人事益不能不惓惓三致意云順治十六年歲在己亥秋七月下浣之吉

賜進士出身右春坊右中允兼內翰林秘書院編輯

勅封儒林郎前

國史院編修

予告養親里入王紫綬序

康熙庚午志序

自古一王之興必有一代之史所以紀政治考山相
人物而一代之典章文獻於是乎昭焉猶懼其畧而未
備也復爲修明志書以廣其傳今

聖天子大化翔洽海宇清平而尤於文治爲兢兢故

特命儒臣纂修一統志將以垂示來茲而補國史之闕失吾豫
大中丞閻公體我

皇上修明文憲之至意亦卽取全豫之志爲已任延請名儒耆

碩而一一更定之且徧檄所屬各郡邑共爲修舉以成

書甚盛典也至如輝邑偏隅僻處地瘠而貧似無足比

數者雖然共域又巖邑也太行列於西北衛河繞於東

南而百門之泉復居其勝更有共山白鹿玉柱道人諸

峯以拱列之故晉有處士宋有高賢大儒元明有名臣
碩彥諸君子棲跡講學於其地稱名勝焉則其間分野
灾祥山川土田官師人物固彬彬乎三材具備也志又
安可忽乎哉但志始於嘉靖之六年修於

本朝之順治十六年兵燹之後繼以灾荒迄今復三十餘
載昔之人稱淳朴者今或近澆漓矣昔之地稱膏腴者
今且多蕪穢矣昔之賦入萬有奇而今減什之五矣昔
之丁口稱數萬有奇者今或僅八千餘而已觀於此有
不禁世道民生之感焉然地靈起而人傑輩出冠帶烏
履之盛蓋殷殷焉余旣濫宰斯邑豈得以數十年來之
故實而可失其傳乎於是延邑紳郡守冀公總其事而

督捕孟公中翰孫公邢臺邑侯馬公孝廉王公以及博
士弟子員王光曦李惠郭廷熙等共相較閱兩匝月而
告成焉考覈必期其詳不敢以踈陋譏也表揚必期其
當不敢以偏私徇也興革必邇其源流以明利弊所由
始古蹟必著其文藝以供憑弔所考稽他若風俗因革
賦役之屬莫不分列而布置之且繁者爲之刪缺者爲
之補而志之事庶幾其備矣夫古者千乘之國與附庸
之邦皆有史官以掌記時事第不過君卿大夫言動之
一端而所謂分野灾祥山川土田官師人物之類意別
有圖籍以主之今志則無不燦列矣是故古史之失在
畧而今志之得在詳也後之採風者覽其遺文而一代

典章名物之盛輝雖蕞爾邑不旣犁然可考也哉康熙二十九年歲次庚午十月穀旦承直郎知輝縣事滑彬撰

夫志者所以紀沿革載法制叙政教彰勸懲凡古今興廢之端人物榮悴之由田廛之腴瘠閭井之盛衰以及利源弊竇民隱時艱靡不記載誠足以維風俗而正人心稽時宜而襄治理乃教化之原爲政之本也所關豈不鉅哉第今日司民社者恒殫精畢慮於簿書期會之間至彙輯先型採訪謠俗則視爲不急之務而不暇及良可慨也共城邑志雖中丞賈公於己亥之歲檄令纂修但時值鼎革之後文獻殘闕稽考未詳不無掛一漏

萬今邑侯滑公鳴琴之暇倦焉斯典重加訂較訛者正
穢者芟遺者補增新考舊麟麟炳炳事成鴻編若非知
教化之原而識爲政之本者安能留意於斯耶雖邑固
以志傳而志則以人重宓子單父之琴潘岳河陽之花
中牟魯恭之馴雉葉縣王喬之飛鳧至今艷傳不朽將
來此志當與公善政並垂千古也予何幸得觀厥成其
爲愉快曷能言喻哉然而不無有感於懷焉蘓門風稱
名勝惟清泉一泓甲於闔郡耳每夏秋之間芙蕖十里
秔稻千頃無異江左風味邇將此泉改濟漕艘昔日之
芙蕖秔稻俱雲散烟消變沃壤而爲磽瘠矣今幸我公
再四陳請於各憲欲期無悞運道有益民田歷蒙河道

申詳撫院咨議現奉河院按臨巡視一經具

題將數十年已廢之產而一旦復還舊規此又共邑之食
德於無已者矣時康熙庚午孟冬穀旦

賜進士出身文林郎知邢臺縣事邑人馬希爵撰

國有史邑有志何所取諸取諸古今之治亂人物之臧

否與夫山川之險易風土之高下肥瘠昭然於盈尺之

幅使士君子知鑑古考躬治人之法一展卷而了無遺

義也然士君子鑑於往古使吾身之間不無遺義而惟

此千百年治亂臧否險易高下肥瘠之數載在盈尺之

幅者施之家國而肥垂之子孫而裕自非學富材優

志與史並垂天壤也得乎今

六子稽古右文纂前史述

國史之外又復搜九州邑乘哀爲一統志以昭示後世而
大中丞閻公檄下兩河吾輝邑侯滑父母爰鄭重其事
延賓而授簡焉豈非煌煌盛典哉塗繫官於朝不獲躬
厠校讐以爲桑梓增重而嘗竊嘆乎修志之難也川淳
嶽峙物殖品流四部五車疊出間見耳目稍隘未免望
一漏百之譏則博洽難山經地志正史稗官傳註箋疏
咸資靜考爬羅致之而鹵莽棄之則精詳難字淆於魚
魯地介於虞芮先後彼此之間非確有所據不幾兩陽
城訛爲一邑三鄒子訛爲一人乎則辨疑似分疆界難
一隅叢爾衆論沸然非數十年硯北之身鈎索而會通

之無由使乘以屈繫珠必隋稱則積累難證據尤難且
也時勢互有異同耳目遞爲貴賤則重昔者輕今佞俗
者蔑古二者皆譏而俗尤宜避則予奪不淆難麀傳謹
嚴龍門委晰欲辭簡而意贍必學醇而理深則繁簡得
當難載籍夥如中秘尙多未盡唐李吉甫之元和郡國
志宋樂史之寰宇記明顧祖禹之方輿紀要皆手錄秘
本未經鏤版坊間則搜括難言之無文行而不遠如椽
之筆非燕許手不敢當也則筆力古藻難而不然者因
陋就簡其失也畧蕪穢龐雜其失也荒耳蔽於舊聞目
炫於新貴其失也諛語刺刺而意寥寥其失也無節去
所當留而留所當去其失也不經然則一邑雖小非大

力者志之吾見舌喬而筆閣耳而况巷遊而鄉居者乎
淦學落器竅文不足取重於當世使君不以淦爲不材
乃走一介問序京師淦雖未覩新志之燦然者較對山
之武功文長之會稽相去幾許竊以當事者之慎重必
有紀事纂言兩擅其盛而衡治亂於几席研臧否於鬚
眉險易不難米聚高下肥瘠如指諸掌以盡一邑之大
觀而無憾者然淦猶將以九難五矢俾八郡之志與吾
輝一邑之志兢兢乎有所法戒於其間庶使君可持以
報上官中丞可持以報

天府而天下之大觀於此無憾焉則當代之志與當代之
史並垂天壤間而不材淦名列簡端亦將附以不朽矣

豈非吾生之厚幸哉
嘗康熙庚午仲冬吉日

賜同進士出身內閣中書舍人邑人孫淦撰

乾隆丁丑志序

粵考周禮小史掌邦國之志外史掌四方之志然則今
之邑志非卽古之列國史乎舉一邑是非得失理亂興
衰之故畢書於冊上備王朝之採擇下垂來此之勸懲
所繫綦重矣苟殘缺失次修輯其可緩乎哉兆夷於庚
午之嘉平承乏蒞輝繙閱舊志不無舛訛滲漏之訾且
志創始於前明嘉靖萬歷間一修之

國朝順治十六年又修之至康熙庚午滑令彬纂修而後
迄今六十有餘季闕然無一字之紀載夫以輝之爲邑

提封百里太行北峙大河南繞儼然巖險形勝之區而
水秀山明甲於河朔其地靈鍾毓魁奇翹起之英後先
輝映而况丁

灑世而際人道之隆田賦日闢戶口日增節孝人才比肩
接踵而倍出若之何坐聽六十餘年之盛事日就淪佚
散失而不爲之所伊誰責耶惟兆爽蒞任伊始值我

皇上巡幸中州

六龍旋御邑之白雲百泉經

李華之光賁所在古蹟

龍錫

龍章照播今古於時卽思齊慮濡毫恭組

曠典顧以百務待理簿書鞅掌山川土田未經按歷民情土俗未遽諳嫻將徵文考獻未易集於崇朝而摹殘碑尋舊碣以援古而証今更有需於時日因是遲之又久未敢漫言從事迨歲之癸酉年值屢豐訟獄衰簡民風士習駸駸蒸蒸方與同城寅屬閭邑士紳謀續滑令之編而適奉

憲檄飭修邑乘兆頤承命歡然敬爲諏吉設局廣諮博訪搜故挹新稔司鐸楊君喜榮膺涵淵博雅擅麟經總權考訂復進諸生之賢而有文者分排綴屬以勸其事公餘之暇與共商榷僭爲裁酌先

以明憲章次圖考地理以表疆域志建置詳歷代之沿革
志田賦學校重斯民之教養成民而致力於神於是志
祠祀治民事神皆官師事卽次志職官官職理而廉能
著風化行人文起上堪膺明廷之詔下可樹里黨之型
則選舉人物彙志焉至於藝文技也而寓乎道是未可
畧終之以拾遺片善微長之必錄歐陽公一行志意也
分卷十二標目六十有三凡三閱歲而脫藁呈

憲鑒定付梓焉夫志則猶史史事自古稱難昔薛方山
修浙通志七年始竣孫文忠修高陽志亦十餘年始出
以示人如兆奭才識淺劣聞見孤陋退食之餘始克披
帙搦管摩編一二雖其難其愼累歲月而成書敢謂堪

備採擇而垂勸懲哉亦聊就前志正其訛誤補其缺遺
撫拾方隅之事蹟用昭

熙朝雅化

各憲勤宣之盛衷輿論之同畢謀野之責云爾後有起
而批謬摘瑕運如椽之管以成班馬之業者是則兆夷
所厚望也夫嘗乾隆二十二年歲次丁丑夏五月上浣
之吉

賜選士出身戊午科解元

勅授文林郎知輝縣事靈川文兆夷謹序

余少長於浙東山水之間百越三衢海門回浦童而習
之歷歷猶能記憶若夫天垣地肺人英物華則東南之

產甲乎天下矣壯走長安既遊三輔太行入陘峯崿而
西屏河北九派潏澗而中宅宜其人慷慨而無鄙傖其
地平衍而少礪礪趙北燕南視吳頭楚尾何多讓焉因
歷辛未壬申取諸州邑志乘之所不逮者爲圖一百四
十有五頁諸

天府然則余固天涯之客也計讀書於其纔二十年耳而
此二十年中尙文尙質物換星移耳目所經難更僕數
况前此者當何如後此者又何如耶居恒與諸弟子語
共古封國分野在室壁之次室主營建璧則天下文明
之府也今邑之乘六十餘年廢墜弗輯舉山川風土人
物之變遷竟與公和長嘯鬚鬢於寒煙濯浪中豈非賢

士大夫之責歟有君子作必有毅然任之者雖然修志之道難矣而續志之道更難前人之肇造非盡可遺遺帙殘縑幾同金鑑一經後儒之參訂魯魚亥豕如掃敗葉矣欲因之而雷同勦說近於班史之失之同欲易之而述異標新近於范史之失之誕此仍乎古不宜於今者之一難也事隔數十餘年文獻無徵搜羅匪易去取宜嚴姑以閩巷之一節言之蓬蓽布衣閨帷煢燹含光韜炤身焉用文有子將月旦之評不及士元風俗之所未收者一旦登姓名於剗劂使歌者慕泣者哀後來者聞風而興起此非公與明烏足以傳信耶彼司馬遷之史記議論非不雄奇然其爲文也大都借憤激之詞以

抒其磊落之概千百載下讀者覺其文可法而其事不可信况才識萬萬不如史遷者乎此宜於今不信於後者之又一難也有此二難卽君子作鮮不有望洋而興嘆者歲丁丑邑侯文公宰其之七年日久化洽推一時治平第一蓋公粵西名宿凡所措施悉本根柢其首務輯黌宮而茂草除創于羔祠而祀事舉修雙溪橋而廢堰興意者室主營建其見於此歟公鳴琴之暇毅然以重修邑志爲已任事不畏難功無欲速昔朱紫陽守永康甫下車首先問志公其得先儒之旨哉勸之者司鐸同年揚友大雅材也日集里中諸博士各專一家編輯更訂分門一十有二標目六十有三疑必闕確必揚凡

更歷寒暑而書以告成余於苦次筆硯久焚樂觀盛舉
每取定本讀之典而核直而有體明辨而多風因慨然
曰東璧之光輝煌於今日者信不誣也他如空谷大川
原陵墳衍一卷之中燦若列眉又令人有卷石烟霞南
轅北轍之思焉爰綴芟言於卷杪以示後之君子知續
志者之獨爲其難也云爾乾隆丁丑仲夏上浣之吉

賜進士出身翰林院編修直隸分巡通永道邑人王楷撰

舊跋

康熙庚午志跋

稽古周禮職方氏掌天下之圖辨其土地之界司農掌
天下之版登其人民之數天子受而藏之天府以施政

馬是以前漢郡國計書先太史後上丞相始集公府尉
郡邑之有誌卽國史之張本也但從來史嘗泛而誌易
確蓋以史局編摹人代邈隔率多漏遺而誌乘所載不
過彙一邑之睹聞窮一邑之文獻論覈難掩事近難欺
故有溢史而鮮訛誌或因大以貫其細或沿末以會其
本譬之一身百骸成體而血氣會焉精神貫焉聖王端
居九重而知萬國之情察四方之隱不下堂階而運之
天下以有此具耳然而誌也者心之所之而結爲言者
也匪只方輿品物之有定形也因草損益之有確據也
心志借言以傳事跡憑文以識故曰誌也倘有博者騁
於曼論藻者靡於麗思僻者淆於異議或浮華而不實

或疏畧而謗淺不求施用而剽於見聞不資化理而炫於觀覽非誌之本旨也當今

聖天子在上德紹唐虞治隆湯武凡一言一事罔不以利興害除恤黎庶以任勞怨勗臣工良由

天心仁愛之所之耳若夫修郡邑之誌彙而合通省之志將以著一代之章程垂萬年之令範要必鑒古而推之今考實而見之治斯足以紀已往而待將來其實可稽其效可睹乃能經世而稱重焉庶無負於誌之爲誌矣中州繫天下之腹心朝歌居四方之通會雖共城屬在下邑而山川形勝自昔名賢濇修高蹈多托迹焉如嘯臺之孫登安樂之康節竹林之七賢歷歷可屈指也邇前此

之舊志自順治己亥趙邑令奉賈撫軍重修雖方輿事跡大都俱列適緣爲時匆迫不無失於疎漏今且越三十載其間時異勢殊或有損益不同因革頓易者如利之當興也而尙有未興害之當除也而尙有未除且事有可興者而弗肯任勞勢有可除者而難於任怨比比然也如果能上行下效宣德達情使興除立見而怨勞罔避者烏容不彰明較著以勵將來耶邇年以來差賦繁興災傷疊見如黃河夫役輝縣每歲派里民七十餘名每名約費三五十金且病餓困苦難以備悉極稱永害幸遇撫臺高崗佟公臨輝目睹泉頭夫役濬河雜草以濟漕運垂憐重累遂允轉咨總河將輝縣黃河夫役

永准豁免每歲可省里費三千餘金則利民莫逾於此
遂勒石湯金亭頌德昔因明末多警縣鄉舊設練總社長
勿論大小村落各有社長社夫日久滋弊朝夕探訪居
民凡夫妻父子房幃偶語社夫報知社長百端索騙少
不如意赴稟練總屠虐難堪漸至倚勢橫肆法不可問
甚且誣良爲盜擅行繫獄妄自殺戮爲害匪細幸蒙按
臺金公訪知密行守道張公督兵嚴拿將練總社長特
章具

題斬首抄沒以奠民生則除害孰切於此至若近今興復
三百年之地利莫大於百泉水田以一畝徵三倍之糧而

土關

國精下係民生一旦涓滴禁止遂使田荒賠賦利去而民受其害久已鮮任勞而與之者雖前經邑令升菴陳公條請督撫丁公興復水利祇緣相繼陞遷未能如願幸逢魯齋滑侯乃以昭代名碩重荷

袁袁春注簡蒞蘓門下車之始卽以興利除害矢乃心以任勞

任怨堅乃志適遇請復水田之舉公力肩其勩諄切具詳面懇當道復蒙河道府廳轉申撫憲仰荷中丞閣公立言程世歲今古於胸中舉事匡時運經論於掌上軫憐渴鮒函咨總河遂蒙部院王公念切民生不辭勞瘁初赴臨清於各河要口踏勘水勢尺寸仍不遠千里自淮安攬轡百泉率同河道俞郡伯胡糧河曹邑令滑並

携紳袍應熊王元臣遍歷五閘多方籌畫初議以四日
濟漕一日灌田又慮用水不敷復定以竹篋載石永堵
開口朝夕積流之例總爲曲體賢侯膏澤下民之苦心
耳先是撫臺原會同總河共閱百泉適緣武闔未竣旣
而馳赴衛郡與王公面爲商確會疏

奏請務俾

國計民生均有攸賴因而輝人戴德遂於泉頭爲諸當道
立石以識不朽此則興利之大者而滑侯之任勞已見
於此矣再至除千百年之永害莫大於冒名濫免凡紳
衿優免

國恩原有定例獨是輝邑乃至有一丁一戶而包免數十

百畝者遂致闔縣之差徭苦累於糶糶之遺子適奉撫
憲久悉此情嚴諭滑公亟清茲弊前此邑令非不動念
然而終不能挽日下之江河多由情面難破不肯任怨
之故耳今乃仰遵上行不惜衆怨將一切濫免槩爲豁
除遂使通縣殘黎驟脫重累此則除害之大者而滑侯
之任怨又見於斯矣若夫賑饑饉而甦四野之民生無
殊何易于之家給人足設義學而振一代之文風不讓
范武子之興學造士散籽種而濟農夫之稼穡惠同裴
刺史之撫流墾荒立義塚而垂奕世之漏澤不異趙懿
簡之惠及枯骸此皆慈母之流膏也至於講鄉約則布
王化之口新功令維謹除故丁則去窮民之永累存歿啣恩

携紳袍應熊王元臣遍歷五閭多方籌畫初議以四日
濟漕一日灌田又慮用水不敷復定以竹篋載石永堵
開口朝夕積流之例總爲曲體賢侯膏澤下民之苦心
耳先是撫臺原會同總河共閱百泉適緣武闈未竣旣
而馳赴衛郡與王公面爲商確會疏

奏請務俾

國計民生均有攸賴因而輝人戴德遂於泉頭爲諸當道
立石以識不朽此則興利之大者而滑侯之任勞已見
於此矣再至除千百年之永害莫大於冒名濫免凡紳
衿優免

國恩原有定例獨是輝邑乃至有一丁一戶而包免數十

人安國之述陽秋訪諸故老然而方言小乘難入翰
矧遇賢侯一代宗工千秋史筆且修誌事宜專心致志
凡一言一事因草損益務經期鑒裁酌方作定衡庶不
負諸當道修志之美意使後人披圖按籍懸日星於指
掌而茲編撰成實滑公宰天下之左券矣

欽賜幣帛中憲大夫原任四川成都府知府前刑部湖廣清吏
司郎中邑人冀應熊謹跋時年八十有四

乾隆丁丑志跋

古者列國皆有史官掌記時事今之邑長古諸侯也今
之邑志古列史也志之與史異而同總惟據事直書存
是非之公標從違之準非徒競文藻炫詞華爲也顧嘗

嚴保甲則靖地方之疎虞而中外安堵修古蹟則表前
賢之懿範而芳蹟永垂此皆善政之克盡也然亦良有
司之所能臻而非興大利除大害任勞任怨之可同語
者也茲當修誌之舉承滑公索言於熊以敘之余固不
敢以謏詞取近說烏得不以揚善勸將來乎况蒙撫憲
閻公頒條式示各屬以程久遠兼以聘名賢訂纂籍以
重典章復經滑公凜遵德意端設靜寓適館授餐仍委
在昔修誌王生光曦專董其事而以學首郭生迺熙佐
之又以學長李梅李惠分司採訪復命應熊同部郎孟
發祥孝廉王元臣以校正之足稱盛舉矣無奈予羣年
寡學深愧一詞之莫贊耳雖云子長之撰史記採彼家

人安國之述陽秋訪諸故老然而方言小乘難入輶軒
矧遇賢侯一代宗工千秋史筆且修誌事宜專心致志
凡一言一事因草損益務經朗鑒裁酌方作定衡庶不
負諸當道修志之美意使後人披圖按籍懸日星於指
掌而茲編撰成實滑公宰天下之左券矣

欽賜幣帛中憲大夫原任四川成都府知府前刑部湖廣清吏
司郎中邑人冀應熊謹跋時年八十有四

乾隆丁丑志跋

古者列國皆有史官掌記時事今之邑長古諸侯也今
之邑志古列史也志之與史異而同總惟據事直書存
是非之公標從違之準非徒競文藻炫詞華爲也顧嘗

觀於世之修志者竊不能無慨焉案牘紛繁不遑手訂
委託非人尅期竣事或踈忽而倒甲爲乙或躁率而李
戴張冠或重富輕貧而魚目混淆滄海多遺珠之嘆或
亥豕莫辨虞芮介疑兩陽城渾爲一邑三鄒子訛爲一
人若是乎非志之難修亦修志之難其人耳邑侯文公
於庚午之臘月奉

命蒞輝文章政事超卓一時越三載而政成刑清訟息官民晏
如也適奉憲檄纂修邑乘乃遂設靜寓廣蒐羅簡紳士
之醇博者廩餼其中共勩厥事提綱標目分卷聯篇胥
經論定而後繕彙求所謂踈忽躁率者無有也閱三年
而成編噓谷彰潛精研互考求所謂混淆遺漏訛誤相

沿者無有也其詞質而不俚雅而不浮一筆一削凜然
確然用昭

盛世蕩平正直之道嘗按牒讀之慊乎公是公非之心顯
有可從可違之準匪第一隅之實錄允矣千載之信史
矣詩云彼其之子邦之司直維侯有焉榮迂愚謫陋躬
側考訂不敢謬托游夏之弗贊爰撮其大旨揭於卷末
如此若夫輝之所以不可不志志之所以不可不修修
之所以不可不定規模侯已叙諸簡端而侯之善政多
端媿古循吏者鄉大夫端木王公詳言之矣榮不復贅
皆乾隆二十二年歲次丁丑仲夏穀旦

勅授修職郎輝縣儒學教諭鼎湖楊喜榮謹跋

附錄纂修舊志姓氏

嘉靖戊子志

創修知縣范玪續成知縣張天真

萬歷庚辰志

纂修知縣聶良杞

總編邑人進士崔守一

分輯邑人貢生李棐生員李咨莊

較閱邑人都勻府知府冀國兵部車駕司主事王國淪

順治己亥志

纂修知縣趙蔭奇

麥訂儒學教諭范輝衛輝府儒學訓導王仲起

編輯生員王光曦

較梓貢生李其朗生員楊情曹蘊滋

采輯生員周岱

康熙庚午志

纂修知縣滑彬

編輯儒學訓導王新鋒

督刊主簿景于禮典史何鎮

較閱邑人成都府知府冀應熊兵部員外郎孟發祥內閣中書舍人孫淦邢臺縣知縣馬希爵舉人王元臣分輯生員王光曦李梅郭廷熙

采輯生員李惠

乾隆丁丑志

纂修知縣文兆爽

編輯儒學教諭楊喜榮

叅訂主簿劉鑑

督梓典史沈國豐前任典史史夔

同編邑人直隸保定府知府前分巡通永道翰林院編修王楷原任直隸河間縣知縣王屋蔚原任廣東普寧縣知縣孟五金山東壽光縣知縣王椿

分編邑人原任陳州府扶溝縣教諭張恭壬申 恩科

舉人王楠辛酉科拔貢生候選教諭郭東銘癸酉科拔貢生候選教諭王以柱癸酉科副榜孟秉堅例貢生候

選訓導王杞增生孫在城

採訪邑人 恩貢生郎曰睿廩生郭家英廩生王輔廩生張桂林

校對邑人增嗜生王槐廩生楊名恪廩生羅承祖增生冀甲第增生李元勳增生冀光第增生張汝楫附生劉旺附生張澎附生熊潤邦附生郭福附生蕭苴附生楊保泰附生劉元和附生陳德峻附生符承乾附生蕭起蟲附生張大章附生張汝霖附生孫雨生